

De Kwaaker



Prins Dave I
Rik & Marco





**De Residentie van v.v. de Moeraskwaakers,
maar ouk de locatie veur óg bedriefsfees, broelof,
verjäördaagsfees of 'ne lekkere BBQ .**

**Straolsewaeg 359 5916 AB Venlo 077-3512995
info@cafehetven.nl**



Veurwaord



Leef Moeraskwaakers en Moeraskwaakerinne,

Mit ós motto "D'r zit weer joeks in de lóch" hebbe weej weer genög inspiratie los weite te make in ós gemeinschap veur 2020, mit dank aan ós Jeugkemissie.

Aafgeloupe Vastelaovessezoen begós neteurlik mit 'n geweldige zitting, wao ós Trio Prins Luc I en Adjudante Eric en Robin zich meugde prissentere mit eur opkómsleed, det óndertosse regionaal bekindheid geneet. Eur vaders ware gruuets det zeej beej eur oetkómme incognito de buun op meugde as ald-Trio van 1992. Zeej ware zenuwechtiger as 't Trio zelf. Mit DJ Otto Wunderbar woort de zitting knallend aafgeslaote.

Ózzen optoch ónder zomerse umstandigheje waas weer geweldig. Ós zustervereiniginge zien ónder d'n indrok van waat 't Ven bringk. Ouk 'n bedankje veur ós dansgarde veur de beejdrage die is opgehaold. Zeej hebbe daovan eur laerskes opgeknap, pekskes en panty's gekoch en trainingspakke beej gekoch, umdet de groep steeds groeëter wuurt. Moeëj det de jeug volop met duit.

Ouk ós Patternate zoge 't laevesleech. De jeug van 13 wies 17 jaor kin heej met meigaon en zich verdeenstelik make veur de Vense Vastelaovend.

Legendarisch is óndertosse ós Straolende Sterrebal, aafgeloupe jaor mit de nuuedige Mexicaanse ónderwaereldfigure en Trumpiaanse more.

Ouk ós Jeugkwartet mit Jeugprins Julian I (Croonen), Jeugprinses Sarah I (Jansen) en eur Adjudante Cas Doensen en Emma Houkes, det kómmend weekend veur 't lets verop geit same mit Jeugvors Aniek en Jeugsirremoniemeester Alisha hebbe genaote. Zeej dreide volop mit ós mei in de aafgeloupe Vastelaovend. De jeug en de groeëte pakde zich geweldig same mit 'n moeëje gezamelike aafsloeting op Vastelaoveszónaag.

't Waas 'n Vastelaovessezoen mit letterlik allein maar hoeëgtepunte. Ós activiteite zien good bezóch, mei door ós Trio Luc I en Adjudante Eric en Robin en neteurlik ook Boukje, die same fantastisch verop zien gegaon. Vaerderop in deze schoeëne Kwaaker kint geej alles nog ens röstig naolaeze en naogenete.

Aafgeloupe sezoen heb geej ook nao Kwaaker-TV kinne kieke. Det gaon weej kómmend sezoen vaerder oetbouwe, zoeëdet geej nog mier kint naogenete van ós activiteite.

Op de feesaovend waas ik verierd um ós 22-jöörige en 33-jöörige jubilarisse te meuge toespraeke en eur verdeende plaquette te meuge euverhandige. Ós ald-Trio 2019 woort mit 'ne roast (aevenement wao emes op ironische wies wuurt beleidig of geiërd) verras en had nog 'nen "drei mit ós mei" oetsmieter mit eur CD mit 't opkómsleed in diverse mezikale variante.

Ós nieje Vastelaovessezoen begós neteurlik mit ein schoeëne zitting, wao ós nieje Trio Prins Dave I en Adjudante Rik en Marco zich meugde prissentere mit eur thema "Welkóm in 't circus det Vastelaovend het" op 'n schoeën aangekleide circusbuun in ós Residentie.

Zeej ginge wie 'n circuskenón in de veurbereijinge en gaon det zeker veurtzette in de kómmende dreej waeke.

Mit ós Trio en kómmend weekend same mit ós nieje Jeugkwartet, gaon weej d'r weer 'nen ónvergaetlike Vastelaovend van make mit ós motto "D'r zit weer joeks in de lóch".


Ós bestuur woort ouk oetgebred mit twieë aspirant-leje Pascal Beekhuizen en Richard Alberts. Alves vuuel succes gewins. As bestuur zien weej gruuets op ós leje en ós vreejwilligers, die zörge veur 'n laevendige vereinigung.

Names 't bestuur meug ik ós sponsore, al ós kemissies, feeszaal 't Ven, in 't bezónder neteurlik Jules en Angela en óg perseniel, hertelik bedanke veur 't aafgeloupe sezoen.

Geej ziet de kómmende waeke van jónk wies ald allemaol van herte welkóm in ós Residentie beej ós activiteite.

Names 't bestuur wins ik óg 'ne schoeëne Vastelaovend. Vastelaovend same!

Ógge veurzitter en Vors,
Ton Vergeldt





PRINS DAVE I

Dave heej, tied um mich efkes veur te stelle aan zeej die mich nog neet kinne. Ik bin Dave Noldus en woeën mit mien schoeëne maedje, Ineke en ós twieë blage, Nigel en Jools op de Nazarethstraot, dao wao die zich kruuts mit de Noordervaartlaan. Ik bin van oeërspróng 'nen Blierickse, maar kóm al sinds mien 18e in 't Ven vanwaege det Vens maedje, waomei ik dus ouk inmiddels alweer 11 jaor gelökkig getrouwdd bin. Beej mien schoeënelders, Truus en Wiel óntging mich al maar weinig van wat d'r allemaol speult in 't Kwaakerriek. Ik bin dan ouk al'n tiedje kind aan hoes in 't Ven en nao wat umwaeg in Venlo en Blierick zien weej dan sinds 2017 ouk intelik in 't Ven neergestreke. De blage zien allebei op 't Sterrepaad terech gekómme en weej zien allemaol mit ós neus in de bótter gevallen in de Vense gemeinschap.

Ik bin zoeë jónk wie ik mich veul, maar mótt toch ech bekinne det ik lets augustus de 40 meugde aantikke. Stil zitte kin ik neet zoeë good en ik bin dan ouk eigelik altied waal bezig mit van alles en nog wat. Ik klus gaer in en róndum ós huuske en d'r is eigelik ouk dao boete neet ech iets wao ik neet aan mei wil doon. Van feesjes regele mit vrinde tot klusse op 't schoeëlplein, van de Moeraskwaakers wies de Kwaakerrun. As d'r wat te doon is, bin ik d'r gaer beej. En as det beteikent det ik zelf de hand oet de mouwe mótt staake um te zörge dét d'r wat te doon is, bin ik dao eigelik altied waal toe bereid, as 't maar gezellig wuurt. Kortum, as beej ós thoes d'n

agenda laeg is, hebbe weej 'n foutje in de planning gemak...

Ik werk beej de pliesie heej in 't stedje van lol en plezier. Ik doon dao allerhande projekmatige dinger in en róndum 't bureau en bin zoeë aaf en toe ouk nog waal ens op zó'ne strepewage te vinden. Ik bin daoveur 'ne Jan gewaes, oftewaal beej de Marechaussee en daoveur had ik zelfs zó'n greun pekske aan mit van die vlekke d'r op. Ik bin wat se neums 'nen echten euverheidsmans. Det heb ik van miene pap, Niek, georce dae det ouk waas, maar helaas in 2006 is euverleje. Mien mam, Hermien, woeënt mit eure vriend Peter in Blierick, wao ouk mien broor mit zien gezin zich definitief gevestig haet.

Daonaeve sport ik gaer en veural hardloupe vind ik leuk, umdet mien andere leefde, de formule 1 neet veur mich is weggetag. Dae kiek ik dan maar op TV. Sinds vurrig jaor bin ik ouk in de Raod van Elf ingestap en ouk heej geit vuuel van mien pleizer haer. Ik bin neet van 't beer, (jao jao ik weit 't...) maar van de Radler en kin mich dao prima mei ammezere. Zoeë bin ik ouk aan mien Adjudante gekómme wao ik gruets op bin. Kwant vind ik 't det weej ós gezellige borrelavende noow mit 't ganse Ven meuge deile as 't Trio van 2020!



ADJUDANT RIK

Gaer stel ik michzelf aan óg veur. Ik bin Rik Linck, zoon van Pum Linck en Tonia de Groene, gebaore in 1983 in de moeëste stad van Zieëland: Middelburg. 'ne Zieëw van hoes oet dus, maar waal mit 'n tropisch tintje, aangezeen mien roots ouk in Indonesië ligge. As ein van de weinige heej bin ik neet opgegreijd mit Vastelaovend. Op 17-jäärlige laeftied bin ik nao Breda verhoes en dao bin ik 'n jaor later Sandrijn taege gekómme, waomei ik inmiddels 18 jaor gelökkig bin. Weej hebbe 2 prachtige kinder, Mila van 9 en Mees van 7. Dankzij Sandrijn bin ik besmet gerak mit 't Vastelaovesvirus, mien ierste Vastelaovend in kefee de Loco is d'r 'ne um noeëts mier te vergaete. Ik kós en begreep gen inkeld leedje, maar had toch d'n tied van mien laeve. De sfeer in de stad, de saamhurigheid en de meneer wao op minse mit ein 't laeve viere, mak veur mich de Vastelaovend 'n uniek fees. In Breda heb ik Carnaval liere viere, maar in Venlo heb ik Vastelaovend liere viere!

Sinds 2012 woeëne weej in 't Ven op de Noordervaartlaan en vanaaf daag 1 veule weej ós heej as gezin óntzettend thoes. Weej hebbe hiel vuuel leuke minse liere kinne en de kinder greuje heej op in 'n geweldige umgaaving. In 't dageliks laeve werk ik as New Business Manager veur CTAC, 'n ICT bedrief det zich rich op softwareoplossinge veur retail, groeëthandel, productiebedriewe en woeëningcorporaties. Ik bin verantwoordelik veur de verkoup van softwareoplossinge aan nieje klante door 't ganse land.

Det ik dit jaor ónderdeil oet meug make van dit prachtige Trio, same mit ózzen Hoeëghheid Dave en Adjudant Marco (waovan ik altied verleer op de squashbaan) is 'n geweldige ier. Ik kin neet wachte um d'r mit óg allemaol 'ne fantastische Vastelaovend van te make.





ADJUDANT MARCO

Gaer stel ik mich efkes veur. Ik bin Marco Theeuwen, zoon van Hay en Mien Theeuwen. Gebaore in de Kroeënenberg, maar al flos verhoes nao d'n Bookend. Dao bin ik as 'ne Wortelerschabber opgegreijd. Mit vrinde hebbe weej in die umstreke vuuel Vastelaovend gevield, mit name 't bouwe van groeëte wages en daomet trekke in d'n optoch waas 'n jaorliks truu kómmende happening. In miene studentetied kreeg ik veur 't iers te make mit Kwaakers: maar dan die van Oeteldonk. In daen tied heb ik ook mien moeëj, leef Geijsters maedje meuge liere kinne, Anneke. Nao de studietied en 'n paar jääörkes Venlo-Zuud is det kwake mich schienbaar good bevalle, want in ós huweliksjaor hebbe weej ós huidige stekske in 't Ven gekoch. Immiddels kwaak ik alweer 13 jaor vanaaf de Noordervaartlaan en hebbe weej óndertösse dreej prachtige blage meuge kriege: Rens (11), Fenne (9) en Jasper (6).

In 't dageliks laeve bin ik werksaam as bouwkosteadviseur beej Benker en gaef advies in koste róndum bouwprojekte. Van 't begruuete van woeëningrenovaties wies 't inzichtelik make van investerings- en exploitatiekoste van 'n kómpleet niej ziekehoes wies aan de ónderhandeling mit de aannemer. Ik vind 't allemaal erg leuk um te doon!

Miene vrejen tied bestaej ik ónder andere gaer aan sport: oftewaal ik gaon mit mien

'ald-buurmanne' kieke nao mien klubke VVV, danwaal staon ik as teamleider beej Rens (FCV JO12-2) naeve de kant te blaere of ik gaon mich zelf in 't zweit werke mit squashe of trek mich de hardloupschoon aan. De derde helf meug dao neteurlik neet aan óntbraeke.

Vaerder steit neteurlik same leuke dinger doon mit 't gezin veur mich op nummer ein! Ouk Vastelaovend viere doon ik gaer same mit Anneke en de kinder, weej viere det gaer in 't Ven. Ik bin gruuets det ik dit jaor, same mit Dave en Rik, mei veurop meug gaon beej de Moeraskwaakers! Weej gaon d'r 'n moeëj fees van make!



PROCLAMATIE

Weej, Prins Dave d'n lerste,

1. Zoon van dae hiel erg gemisden euverheidsmins Niek en veurmaolig verkoupkenón van Daagblaad de Limburger, Hermien.
2. Beste, knapste, leefste en toevallig ouk insigste schoeënzoon van dae knutselkeuning van Océ, Wiel en die leve loupende gezet van Gipmans, Truus.
3. Gruuetse pap van miene grutste kleine vrint Nigel en mien eige Vastelaovesjoeksmesjien Jools.
4. Echgenoeët van dae spetter van 'n maedje en mien leefde, Ineke.
5. Beschermhier van dae steinplak op de Nazarethstraot.
6. Raodslid van de Raod van Elf van de Moeraskwaakers.
7. Mins zónder rös in de vot of ech beer in de hand.
8. Plannemaker van d'n boeventempel op de Rienbaekstraot.
9. Geneter en percesbewaker van al waat gezellig is.
10. Knutselaer van Vastelaovespekskes wies in d'n treure toe.
11. 'ne Prins dae schaelere wazel oetkraomp dan det hae groeët is.

Beej de gratie van Vors Moerassius en ziene hoeëge wieze Raod van Elf, 46e Prins euver ós Moeraskwaakersriek in 't jaor 2020, beeijgestaon door mien kwante Adjudante Rik en Marco, gaeve heejmei te verstaon en te weite aan idderein dae de Vense Vastelaovend 'n werm hert toedruueg:

1. Det weej as Trio d'r gruuets op zien um veurop te meuge gaon in de Vense Vastelaovend.
2. Det weej de joeks oet de lóch zulle haole en in óg hand zulle gaeve.
3. Det weej haope óg zoeë dök wie meugelik te meuge zeen en spraeke dees daag.
4. Det weej de goje veurbelde van Luc, Eric en Robin meuge volge.
5. Det 't Sterrebal en d'n Trujenaovend ein groeët circus meuge waere!
6. Det weej 't Ven oet zien voge wille zeen barste van plezeer.
7. Det weej zoeë hard mit de muziek mei gaon bralle det zeej in Zieëland nog van 't duin aafvalle.
8. Det weej óg mit 't Jeugkwartet meuge laote genete van 'ne waan Vastelaovend.
9. Det weej 't waer van vurrig jaor meuge hebbe veur ózze schoeën optoch.
10. Det weej heej neet zoele staon zónder de ónveurwaardelike steun van ós maedjes.
11. Det weej 't circus det Vastelaovend het gaon veurzeen van al waat joeksig is!

RIVIERDAEL NOTARISSEN



Rivierdael Netwerk Notarissen
Albert Cuypstraat 3, Venlo
077-3597777
www.rivierdael.nl

Onze grandioze Carnavalsafdeling is geopend!

Wist je dat...

je korting krijgt als groep op onze Carnavalsafdeling?



Ontbijt reserveren via:
tuincafe@leurs.nl of
+31 (0)77 321 6000



CARNAVALONTBIJT

Geniet van een uitgebreid buffet op dinsdag 25 februari van 10.30 tot 13.00 uur in het Tuincafé

Prijs: € 12,99 p.p.
(vanaf 20 personen € 10,-)
Kids van 4-12 jaar halve prijs,
kids van 0-3 jaar gratis



Ook dit jaar:
Grote potgrondactie
aan huis in maart!



Vividus

centrum voor gezondheid
Fysiotherapiepraktijk Patrick Houwen

't adres veur:

- Rökklachte van 't lange staon,
- Kneenklachte van 't sjoenkele,
- Schouwerklachte van 't kloeke,
- En nog vuuel mier!

}

077-320 17 30

Weej winse óg 'ne schoeëne vastelaovend!
www.vividus-fysiotherapie.nl
info@vividus-fysiotherapie.nl



Prins Dave I

Dao zits se dan, lekker 'nen aovend röstig op de bank keske te kieke. Geit dao inens de deurbel. Ik kiek Ineke aan en dink "wae kin det noow nog zien op 'nen dinsdaag zoeë laat in d'n aovend?" De meiste minse belle beej ós dan neet mier aan, umdet de blage al ligge te slaope.

Ik loup nao de deur en zeen 'ne kielf door 't ruutje naeve mien veurdeur. Ik kiek nog ens good en zeen det dao nog 'n baasje beej huurt... Mien hert stoit stil, ik wis genóg, de Vors van de Moeraskwaakers! Dae kump neet 'zoeëmaar effe' naeve. Ik laot um binne en weej loupe achterein de woeënkamer in. Ik kiek Ineke mit groeëte ouge aan, het zuut de Vors achter mich aan de woeënkamer binne kómme en wet ouk al zat.... Hiel stiekem haops se d'r toch ouk gewoeén op en jao huur, dao kump de vraog der vraoge...

"Wils dich d'n Hoeëghheid waere veur 2020?" Ik staon aan de grónd genaegeld en weit mich effe neet good raod mit michzelf. Maar naodinke det hoof ik in idder geval neet! "Jaozeker wil ik det!"

Trillend van opwinding en plezeer staon ik mit mien maedje um de Vors haer te stuitere. "Pfff, effe truuks op aerd kómme Dave", zeg ik nog taege michzelf. "Zulle weej anders effe gaon zitte?" Ik besef mich det weej nog genne maeter de woeënkamer in zien geloupe. Weej gaon zitte en weej veure 'n gesprek, maar ech hure doon ik 't allemaal al neet mier gans. 't Geit gebeure, de wuurs Prins van de Moeraskwaakers, waat euverkump mich heej eigelik ens allemaal? Weej hebbe 't euver Adjudante en ouk dao hoof ik eigelik neet euver nao te dinke. D'r komme twieë name in mich op die mit ós de Vastelaovend heej de aafgeloupe jaore gevierz hebbé en ouk gewoeén ós vrinde zien. "Rik en Marco", zeg ik taege de Vors, "maar of die jao gaon zegge det weit ik neet, ik kin allein maar haoop..."

Daen aovend slaop ik neet, ik blief filmpkes van de Vastelaovend in miene kieëbus zeen. De volgenden aovend gaon weej d'n iersten Adjudant perbere te pakke te kriege. Wie 'nen geheim agent zitte weej te visse nao eur planne veur daen aovend, maar 't lök neet. Ik krieg 'n appje van de Vors det weej 't morgé, dónderdaag nog ens gaon perbere. De volgenden daag neme weej 't gelök 'n stök in eige hand. Sandrijn en Ineke sporte same op dónderdaagaovend, maar door 'n blessure kin det daen aovend neet. Dan got ge toch same wandele, dan weite weej daonao in idder geval zeker wie laat zeej d'r zien. Zoeë gezag, zoeë gedaon. Weej zitte op de bank en zeen via Whats-app det Rik en Sandrijn nog online

zien, 't is inmiddels 21.06 oor... Dju, de Vors zoel d'r noow toch al mótté zien... En dan wuurt 't stil. Ruum 'n half oor later waer ik gebeld. "Perfitsia, de hes dienen iersten Adjudant binne!" Ineke en ik zien op van de nerve en juiche as of Gaston Starreveld aan de deur stoit um mich de miljoene te kómme bringe...

Weej gaon flot de deur oet, weej renne nog net neet en zien veural veurzichtig det nemes ós zuut. Man, wat mótté weej d'r blieb oet gezeen hebbé op det moment. Ik klop op de raam beej Rik en kiek al stuiterend van plezeer door 't ruutje van de veurdeur. Rik kump de gank in, zuut mich en 't fees is begós. Weej vlege ós in de erm en rolle al lachend de woeënkamer in, wao ouk Sandrijn schaterend van de joeks in ós erm geslaote wuurt. Naodet weej haos klaor zien mit lache en ós de traone van de wange hebbé gevaeg, hebbé weej 't same euver ózzen beougdten twieëden Ajudant. Wao op Sandrijn wet te melde det Anneke morgé 'n weekend weg zal zien. Maar de Vors woel gaas d'r op gaeve en ik woel hiel gaer det Anneke d'r beej zoel zien as Marco gevraog zoel waere. Dit móts se same meimake en ouk same beslisje. De duis 't immers neet allein! Weej klumme in de verbinding mit de Vors en 't organisatiemesjen geit loupe, 't is inmiddels al ruum 22.00 oor gewaes. Ik zeg taege de Vors "As se eur nog allebei te pakke wils kriege dees waek, mó 't eigelik noow medein..." En jao huur, dao geit dae weer in 't duuster door de wiek haer. Weej zegge um welke wages d'r mótté staon, wao oet hae kin aafleie of zeej allebei thoes zien. Weej zitte inmiddels mit zien vere in spanning te wachte en dan waer ik effe later geapp. Hae is d'r neet en d'r wuurt ouk neet aope gemak door Anneke. Dan Marco maar belle, want 't is dedelik det d'r waal emes thoes is, maar 't is inmiddels ouk al raar laot um nog örges aan te belle. Marco waas al gebeld door Anneke en ónderwaeg nao hoes. Naodet ouk dao idderein beejein is en de Vors de hoeëge vraog haet gesteld, zitte weej weer in spanning te wachte. Ouk heej is de bedinktied d'r eigelik genne, binne inkele minute is de knoup doorgehak en is ouk mienien twieëden Ajudant 'n feit!



Weer vlege weej as 'n stel deve in de nach mit zien vere, inmiddels via andere straote um maar neet gezeen te waere, nao Marco en Anneke toe. Ouk dao is de reactie 't zelfde as weej aankloppé... Lache, umhelze en genete. Weej weite volges mich allemaal nog neet waat ós te wachte stoit, maar weej hebbe mich d'r toch zin in. Waat 'n óntlajing, heerlik. Weej drinke ós ierste fleske same en gaon as kersvers Trio same op de foto. Ik krieg de grijns nog neet mier van mien gezich aaf op det moment!

De maedjes gaon nao 'n tiedje vas truuks, umdet de blage thoes in d'n bóch ligge en weej d'r neet zien. Maar 't Trio blief nog effe plekke... En zoeë wuurt 't nachwerk op 'nen doordewaeksən aovend in 't Ven... 2020 kóm maar op, weej zien d'r klaor veur!

D'n aanloup

Adjudant Rik

Dónderdaag 19 september 21.05 oor, de bel geit. Op dit tiedstip verwach ik eigelik noeëts mier minse en dus zit ik al lekker in mien trainingsbóks op de bank mit de veut umhoeëg. Aan de deur steit 'ne menier dae aanguuef wimpels te verkoupe veur de Kwaakerrun. Veur € 8,50 kin ik d'r 'ne koupe. Ik bedank vrintelik aangezeen weej al allerhande andere versieringe thoes hebbé en wil 't gesprek aaf gaon rónde. "Ik wil nog iets anders vraoge, meug ik efkes binne kómme?" is opens de vraog.

Dan besef ik opens wae d'r veur mich steit: Vors Moerassius. Weej loupe de woeénkamer in en ik kiek Sandrijn, die in 'n soortgelike outfit op de bank zit, aan mit groeëte ouge. Waat geit heej noow gebeure? Det wuurt flot dudelik as Ton vruueg of ik 1e Adjudant wil zien van de mich dan nog ónbekinden Hoeëghheid. Neteurlik heb ik 'n sterk vermoede wae det is en ik vraog Ton um 'n paar minute bedinktied, zoeëdet ik 't same mit Sandrijn effe kin laote bezinke. Ik dink nog beej michzelf "waat mótt Ton waal neet dinke det ik neet ens 'ne wimpel wil koupe veur € 8,50? Lekkere binnekómmer!" 10 minute later bel ik Ton uteraard truuuk mit 'n volmóndig "jao". 5 minute later staon Dave en Ineke te springe veur de deur, idderein is oetgelaote en d'r wuurt hiel hard gelache. Vervolges wachte weej mit zien vere in spanning op 't antwoord van Marco en



as ook hae jao haet gezag, loupe weej direk nao zien hoes, via 'nen umwaeg umdet se op "Big Brother Lane" altied móss oppasse wae d'r mei kiek.


Einmaol kómpleteet, veur d'n ierste kier as aankómmend Trio, prooste weej op dees geweldige ier en alles waat kómme geit. Dae nach slaop ik amper, 'ne Zieëwse jóng wuurt Adjudant beej de Moeraskwaakers. 't Mót neet gekker waere.

Adjudant Marco

Dónderdaag, 19 september, 22.23 oor staon ik op 't perrón spaor 1 in Blerick te wachte tot d'n trein vanaaf Schiphol kump. Mien broor is op vekansie gewaes nao Thailand en kin idder moment aankómme van zien lange reis en ik zoel 'm nao hoes bringe. Óngevier op 't zelfde tiedstip geit beej mich thoes de deurbel. Anneke schrik d'r van. Wae steit d'r op zó'n laat moment nog aan de deur? Effe is 't stil, hè gelökkig, 't waas kattekwaod. Maar dan geit de bel nog ens! Dju nae. Anneke haet 't d'r neet ech op. Terwiel ik in de auto nao hoes zit, geit op de Maasbrök d'n tillefoon. "D'r steit emes aan de deur maar ik dörf neet aope te make, nog zoeë laat. Wie laat bis dich d'r?" Ik zeg 'm flot door te rieje (jao, veur zoeëvaer det geit mit 'ne Renault Scenic) en bin effe later thoes. Ik kiek nog ens good rón, maar kin rónnum 't hoes, in de straat en op 't schoeëlplein genne mins bekinne. Ik bin nog maar amper binne of dao geit mienien tillefoon. Ónbekind nummer, ik pak 'm toch

Joop van den Heuvel
van idee tot 3D

Mincelerstraat 11A
5916 PE Venlo
www.joopvandenheuvel.nl



Shambhala Thaiboxing
Venlo

boksen, kickboksen en weerbaarheidstrainingen

Voor meer informatie:
Bel John Rietman: 06-52669377
Of email: johnrietman@ziggo.nl

D'n aanloup



maar op. "Gojen aovend, geej spraek mit Ton Vergeldt, ik heb zoeëjuus aangebeld, maar d'r deej nemes aope. Kin ik dich spraake, wao bis se?" Ik gaef aan net thoes te zien, "neteurlik meugs dich nog aankómme". Nog gen vief minute later geit weer de bel en dao stelt Ton, in duuster gehöld, veur de deur (zoeë ónopvallend meugelik in verband mit al die haviksouge op de Noordervaartlaan). Amper binne kump geliek de vraog of ik veur ózze niejen Hoeëgheid 2020 d'n twieëden Adjudant wil zien. Ik had de vraog al 'n bietje zeen aankómme nao 't tillefoontje, maar waas, wie 't inens ech woort, toch waal effe euverdónnerd. Op dit moment zit d'n Hoeëgheid beej Adjudant 1 op heite kaole in spanning aaf te wachte. 't Vermoede wae toch de Prins en Adjudant 1 zoele kinne zien, had Anneke ouk. Ton guuef aan d'r maar nog effe same mit Anneke euver te praote. "D'r kump toch waal waat op dich aaf, dan huur ik 't waal!" Weej hebbe d'r maar kort euver nao hove te dinke, jao neteurlik wil ik det! Wouw, te gek zeg! 't Tillefoontje mit 't verlossende woord aan Ton heb ik geliek gepleeg! Um 11 euver 11 wuurt d'r op de raam geklop en kump inderdaad d'n aankómmenden Hoeëgheid Dave d'n lerste en Adjudant Rik mit de maedjes Ineke en Sandrijn binne. Weej hebbe same 'hen tied hard gelache en neteurlik medein geproos op ós as nieje Trio van de Moeraskwaakers in 't Ven. Weej gaon d'r same 'ne joeksige Vastelaovend van make. Alaaf!



En toen...

"De kins 't maar aaf hebbe" waas ós schaduw motto, teminste zoeë leek 't. Veur ós geveul zien weej wie 'ne malle aan 't werk gegaon mit al waat geregeld meus waere. Op d'n app vloge de ideeë euver en weer, nog veurdet weej überhaup ouk maar iets wiste van wat weej eigelik meuste doon. lers maar ens mit de kemissie praote en kieke wat d'r eigelik persies van ós verwach wuurt, meschiens hendig um te weite veurdet se al dinger geis doon...

Dan kump die ierste beejeinkóms mit de Triokemissie. Toch d'n ierste kier det emes dich zut dae wet det weej 't waere, naodet weej mit de Vors gespraak hadde. Wat nerve ware d'r zeker. Bietje ónwinnig waas ut ouk nog waal, maar det ebde flot weg, naodet weej euver d'n dörpel ware gestap van de vergaderruimte. Óntvangs mit aope erm dek de lajing waal. D'r meus door ós waal van alles geregeld gaon waere, maar d'r waas minstes zoeëvuuel tied veur schaële wazel. Laot det letste namelik maar aan de Triokemissie euver, kump vanzelf good! 't Woort gezellig en laat, of vruug zoeë as se wils.

Toen weej wiste wat ós te doon stónd, kóste weej van de

kant aaf. Laote weeij iers maar ens begin oktober mit zien alle beejein kómme en ens 'nen aovend veural same genete van de veurpret. Same gezellig ideeë spuie, planne make en veural vuuel lol hebbe op veurhand al ónder 't genot van 'n drenkske. En zoeë gebeurde 't. Waal waas vuuel van 't schriefwerk en 't initiële óntwerp van de hoesorde toen al haos aaf. Want ja, de kins 't maar aafhebbe toch...

Mierdere aovende zien weeij mit zien dreje beejein gekómme um dinger te bespraeke, vuuel chips te bikke, drenkskes te doon en planne te make. Dao kwaam ouk 't opkómsleedje op taofel. Eine kier gehuurd en weeij ware d'r oet, det wuurt 'm. Maar det denske... poeh, wie ónwinnig is det as se gen salsaheupe hebs. Och, as 't maar joeksig is, is 't prima. Weej oefene det nog waal van te veure, waas de raod. Of det d'r ouk genóg van gekómme is, heb geej zelf meuge beoordeile beej 't oetkómme.

't Lastigste waas nog 't geheimhalde veur de kinder. Grei verstoppe in dien eige hoes, pekskes ónderschöppé beej de posbode. Maar veural alle appjes en foto's op de mobiele tillefoon achter extra vergrendelinge zette, gedeilde mappe dich zette, zoeëdet neet inens de foto van 't toekómstige Trio op d'n Ipad van de kinder teveurschien kump. Die kinder zien zoeë digitaal taegeswaardig, det die det gevónde hebbe, veurdet se d'r zelf erg in hes det se 't d'r op hebs gezatte. Ouk de heimelike tochjes door de wiek um óngezeen beejein te kómme, waas toch waal 'n opgave! Weej weite inmiddels persies in de buurt wae wie laat zienen hond oetluuet en wao de gerdiene neet wies op de vinsterbank hange. Maar ouk ónzinverhaole ophange beej 'n aetentje van 't werk um op tied weg te kinne, zónder d'n ald-Hoeëgheid Frank Jambroers op 't spaor te bringe. Vergaderinge mit de Raod, waobeej ik, Dave, 't idee had det d'r 'n laevesgroeët oetroopteiken baave miene kieëbus hóng, det mich verraajde.

't Moeëjste waas nog waal 't gesprek lets oktober mit ald-Adjudant Baer en ald-Adjudant Eric achter de pepeerwage. Vol ware zeej aan 't aafgaeve op 't de vurrigen aovend bekind gemakde thema, want jao, eur eige thema's ware neteurlik vuuel baeter en stoerder. Ik had 't idee det zeej gewoeën aardig aan 't visse ware en mich perbeerde oet de tent te lokke, maar gelökkig kóste weej de rolle umdreie, umdet 't inens euver meugelike gezinsoetbreijing beej Eric en Boukje ging. Dao kreeg Eric 't inens zichbaar werm in plaats van ik. Want dao stónd hae inens te óntkinne det d'r waat op kóms waas, wat twieë waeke later waal degelik 't geval bleek te zien!

't Mak allemaal same de spanning en de lol van 't ganse veurtrajek en weej hadde 't neet anders wille hebbe gehad. Noow op nao de Vastelaovend zelf en 'ne waan tied same mit óg.

Veult geej det ouk? De joeks zit weer in de lóch! Vastelaovend same!

Motto

Mit joeks in de lóch
en de piste vol mit jen,
prissentere weej ós aan óg
as Moeraskwaakerstrio oet 't Ven!
Weej gaon d'r vol taegenaan,
dus sloet gezellig beej ós aan!
Welkóm in 't circus det Vastelaovend het!
Vastelaovend same!



D'r zit weer joeks in de lóch!



D'n tied is d'r weer klaor veur, hae is d'r zelfs riep veur.
D'r mótt geougs waere. Idderein snak d'r nao: 't veurjaor!
De linte zit in de lóch.

De winter is veurbeej. Alles kump oet de winterslaop. Weej ouk?

Maar waat gaer! De linte daag oet.

'n Niej jaor wach ós.

En det wille weej zoeë positief meugelik beginne, same, in opperbeste stumming.

D'r zit weer joeks in de lóch!

Weej nuuedige elkaar oet tot 'n joeksige äöpening van 't jaor det kómme geit.

Vastelaovend same!

Ouk in idders eige laeve is haopelik de winter veurbeej.
Kóm oet diene winterslaop, waer wakker: laot, waat vasgeroës is gerak in dien laeve, los en maak 'nen ummezwei in dien laeve en laot de frisheid van de linte dien doon en laote doorstruime.

Waer de originele, unieke mins zoeëas se bedoeld bis en zoeëas se op dien beste momente ouk bis. Staon op oet de slaop en kóm opniej tot 't laeve zoeëas 't bedoeld is.

D'r zit weer joeks in de lóch!

Weej nuuedige elkaar oet tot 'n verfrissend jaor, veur idder persuenenlik.

Vastelaovend same!

Ouk de waereld um dich haer zoel móttie opstaon oet de winterslaop.

Opstaon oet alles waat zoeë gewoeën liek.

Al die spanninge tösse minse van allerhande rasse, godsdeenste, lande en culture...

't Kin ouk anders!

Ouk mit die schermutselinge die d'r alzelaeve zien tösse ós minse ónderling...

't Kin ouk anders!

Vriendschap en vrede zien 't alternatief: laote weej 't perbere. Los de kónflikte op, dörf 't mit ein good te make.

D'r zit weer joeks in de lóch!

Weej nuuedige elkaar oet tot 'n vredelevend jaor, wao in idder tot zien rech meug kómme.

Vastelaovend same!

Ouk moder aerd zoel oet de winterslaop wille opstaon.

Maar waat haet zeej 't meujlik!

As zeej kós spraeke...zoel zeej tot ós zegge:

"Mins, neem alle hindernisse weg die d'r óntstaon zien en die mich 't laeve zoeë zoor make, maak de waeg vreej veur mich, zoeëdet ik inderdaad weer gans tot bleuj kin kómme.

Doot in 't klein waat nuuedig is, bin zunig op mich...en ik kin weer volop tot laeve kómme."

En 't wónderlike is: moder aerd sprik zoeë tot ós, de letsten tied steeds mier!

D'r zit weer joeks in de lóch!

Weej nuuedige elkaar oet tot 'n klimaatvrintelik jaor, wao in moder aerd tot eur rech meug kómme.

Vastelaovend same!

Kortum:

De Joeks van de Vastelaovend zörg idder jaor weer veur frisse lóch:

Frisse lóch in de band mit dichzelf.

Frisse lóch in dienen band mit dien meideminse.

Frisse lóch in dienen band mit de waereld wao in se laefs en wao se beej huurs.

Frisse lóch in dienen band mit moder aerd.

Die frisse lóch wins ik idderein gaer toe!

Alaaf!

Tjeu Kunnen, Pestoeér



Lóch

't Zunke schient
De zomer is wied weg
De blaedjes zien gevalle
De avondé waere gries en dónker
De klok is in ziene luie stand en
haet zichzelf 'n eurke truuks gezatte
De man mit de witte baard en zien
rootvaegjónges zien nog neet geland
En toch
En toch

11 van 11



't Geveul kump
Nog neet in vol ornaat, maar de kiem is gelag
Elf van Elf sprik vanzelf wuurt mich ingefluusterd
Is 't dan al zoeëwied?
Neet te vruug det 't geveul mich bekruup?
Och waat mak 't oet, laot kómme waat kump
De snieë steit op smelte
De bleumkes kómme, laot gaon dae wage
De Vastelaovend kump d'r aan
Gelökkig...d'r zit weer joeks in de lóch

GerDeneer

plec

Kantoormeubilair en Projectinrichting
 T. 06.4749.0679
 E. info@plecproject.nl
 I. www.plecproject.nl



Voor de lekkerste friet en snacks!
 Ook online bestellen!

Cafetaria 't Gashoës
 Hogeweg 90 | 5914 BE Venlo | 077 354 88 77
 Dagelijks geopend
 11.00-21.00





DAS ROGGEL

- Handboogsport ➤ Sportprijzen
- Bedrukken van kleding
- Borduren van kleding ➤ Darts ➤ Biljart

Kerkstraat 3 6088 EG Roggel Tel. 0475-493269 Fax: 0475-492263
www.dasroggel.nl info@dasroggel.nl



Ouk dit jaor
 kómme weej
 mit potgrond
 van Leurs
 naeve de deur.

Op 6, 7, 14
 en 21 maart 2020



Op nao d'n Opus Jocus Leedjesaovend



Kriebels, trillende hendjes. Man, wat ware weej zenuwechtig. De veurselectie veur de Leedjesaovend 2018/2019 stond op 't punt van beginne. Jordy Baur had 'n super leedje geschreve veur ós en weej ware d'r klaor veur. As 7e aan de beurt van de 24 ingezónde leedjes. 't Volgende leedje "De meus ens weite" wuurt gezónge door Bart Jacobs en Luuk Janssen. Pats! Dao gaon we haer. Iers woort ós lange versie gezónge en nao de pauze de korte versie. Op 't ind van d'n aovend kwaam d'n oetslaag. Boekpien van de spanning. 11 leedjes ging door nao de Leedjesaovend. Beej de ierste 5 die geneump woorte zote weej neet tösse. Weej keke elkaar ens aan. 'n Kopschöddend "Nae, dit wuurt 'm neet." "Gedöld. Alles kump good." Toen de verlossende wäörd: "De volgende die nao de Leedjesaovend gaon zien leedje nummer 7, 'De meus ens weite!' " Óntlajing! Wae nao ós geneump zien gewaore is ós ech óntgaon. Bliej wie 'n kind ware weej.

Oké, dit is ech tóf! Noow ózze meziekband aafwachte, dae van Studio Theelen aafkwaam. Anders, maar sjiek! Gespeuld door de Hofkepel. 'nen Droum. Waat klink det gaaf. Nao waat aovende gerippeteerd te hebbe mit de Hofkepel, ware weej d'r ouk klaor veur.

Opus Jocus Leedjesaovend, 't is zoeë wied. 'ne Moeëje smoking aan, mit 'n golde nóndejuke en pochet. Weej veulde

ós good. Weej meugde as 5e 't leedje bringe. 't 4e leedje is bezig, weej woorte nao achter gehaold. Wachte wies 't leedje klaor waas. Achter de coulisse ware weej flink aan 't iesbaere. "Luuk, ik bin de teks kwiet". "Bart bedank, ik noow ouk". Waat waas 't ouk alweer? Ja! Gelökkig net veurdet weej op meuste, kwaam 't weer. Dao gaon we haer. Hiel vuuel minse oet 't Ven ware ouk nao de Maaspoort gekómme. Wow, wie gaaf waas det en waat 'n enthousiasme. Genete! Danke heejveur! Helaas hebbe weej 't dezen aovend neet gered um beej de 4 winnende leedjes te zitte. Volgende kier nieje róndes, nieje kanse.


Veurselectie 2019/2020, 'n (totaal) ander leedje waat Jordy geschreve had veur ós. Zweite, weej weite neet of 't door 't waer kwaam of door d'n drök dae weej ónbewus hadde. Want jao, weej woele zoeë gaer weer op de Opus Jocus Leedjesaovend buun staon. Maar helaas, dit jaor zitte weej d'r neet beej.

Maar stil zitte doon weej neet, mit heej en dao waat orkesbend perbere weej toch waat buunkes mei te pakke en volgend jaor perbere weej 't gewoeën weer.

Weej winse óg 'ne super sjieke (mezikale) Vastelaovend en weej zeen ós flot!

Leefs,

Bart & Luuk



Mottopräsentation

Bekindmake van 't motto 2020: D'r zit weer joeks in de lóch. 't Aafgeloupe jaor hebbe weej veur 't iers 't nieje motto op vastelaoveszónaag geprissenteerd. 'n Keus die is gemak, umdet weej dan nog volop in 't Vastelaovesgedruus zitte



en idderein dan medein aan de slaag kin veur de volgende Vastelaovend.

't Bedinke van 't motto blief 'n leuke bezigheid. Bedinke of d'r iets mei kin in d'n optoch. Kin d'r 'n leuk persuenlik motto mei gemak waere door 't Trio en ós Jeugkwartet?

't Aafgeloupe jaor ware weej gans in de wolke mit ós Trio en Jeugkwartet. Dus det motto waas dan ouk neet zoeë hiel meujlik. Ós köpkes in de lóch en waat hadde en kriege weej weer 'ne joeks: D'r zit weer joeks in de lóch!

De Jeugkemissie





Heemskerckwaeg 1 till. 077-3960430 www.venlogistics.nl

**VAN RUN
VOLBAR**
Makelaardij & Advies

**FULLSERVICE
DIENSTVERLENING**

VERKOOP	AANKOOP
TAXATIE	ADVIES
ONTEIGENING	RECONSTRUCTIE

Makelaardij & Advies

Uw makelaar voor:

- Woningen, bedrijven en agrarische objecten;
- Gespecialiseerd in glastuinbouw;
- Aan- en verkoopbemiddeling;
- Onze taxaties zijn snel en zeer deskundig;
- Professionele fotografie;
- Zeer actief op diverse social media om uw verkoop te versnellen.

vanrijnvolbar.nl

**Keihard
vakmanschap
vanaaf 1913**

**VANAAF
1913
GIROLAMI**

Dörpels, wasbek, aanrechblaajer
graafsteen groet en klein,
weej make alles in natuursteen.

Willem Barentszwaeg 6B till. 077-354 3500 www.girolami.nl

Programma 2020

zao 1 fib 19.11 oor	Zittingsaoend mit 't oetrophe van 't 46 ^e Trio	
zón 2 fib 16.00 oor	Naopraote en kinnis make mit 't nieje Trio	
zón 2 fib 18.00 oor	Sleuteleuverdrach aan 't Trio 2020	
zao 8 fib 15.00 oor	Jeugmiddaag mit 't oetrophe van 't Jeugkwartet 2020	
zón 9 fib 14.11 oor	De 35 ^e Optoch van 't Ven !Let op, aangepasden tied! !	
dón 13 fib 20.00 oor	Trujenaovend - Thema: Welkóm in 't circus det Vastelaovend het Veuraaf um 19.00 oor Trujebuffet	
zao 15 fib 18.30 oor	Vastelaovesviering in de H. Michaëlkerk	
zao 15 fib 20.30 oor	Straolende Sterrebal - Thema: Welkóm in 't circus det Vastelaovend het	
zón 16 fib 17.00 oor	Receptie Moeraskwaakerstrio	
zón 23 fib 15.00 oor	Receptie Jeugkwartet	
zón 23 fib 18.00 oor	Mantels aaflegge Trio & Jeugkwartet en bekindmaking motto 2021	
woe 26 fib 19.15 oor	Vierung mit assekruutske haole in de H. Michaëlkerk	
woe 26 fib 20.00 oor	Hieringschelle	

De 35e Optoch van 't Ven



Zóndaag 17 fibberwari 2019 waas 'ne fantastische zóneuvergaoten daag, d'n daag van de 34e optoch van 't Ven.

Vanaaf half dreej trok de kleurrieke good gevölden optoch weer door de straote van 't Ven. Minse kwame volop mit de fiets en te voot nao 't Ven um nao deze schoeënien optoch te kómme kieke. Rieje diek aan minse stónde d'r naeve de kant.

Verop lepe de maedjes van de dansgarde, die dit jaor de collecte meugde doon. D'n opbrings waas fantastisch. Nao d'n optoch bleve vuuel minse hange um boete veur de feeszaal nog heerlik nao te genete van 't zunke en 'n lekker glaeske beer.

De stampofoon ging dit jaor nao Wagebouwersgenootschap Boeit Neet oet Velde, de stimuleringspries nao 'ne ganse nieje groep oet 't Ven, te weite "Gewoeén veur de Gein".

Veur d'n optoch op 9 fibberwari 2020 heej alves waat belangrike informatie: Wilt geej meiloupe, download dan 't aanmeldformulier van ós website www.moeraskwaakers.nl en völ dit in. Inlevere kin wies uterlik dónderdaag 6 fibberwari 2020 via de mail optochkemissie@moeraskwaakers.nl of via de brevebus van de leje van de optochkemissie. D'r zien weer moeëje prieze te winne, as ouk 'ne aanmoedigingspries en ózze wisseltrofee "de stampofoon". As geej meiloup zónder óg aan te melde, heb geej gen nummer en ouk gen kans op 'ne pries, dus meld óg aan!

Ós kemissielid Reinhold van der Heijden haet te kinne gegaeve um te stoppe. Weej hebbe daorum in Frank Jambroers inmiddels 'n vervangend kemissielid gevónde.

Gaer zeen weej óg weer beej de Vensen optoch op zóndaag 9 fibberwari 2020. Dae begint dit jaor ierder te trekke en waal um **14.11 oor**. Uteraard haoe weej op 'n fantastisch waerke.

Helaas vanaaf noow zónder ós jurylid Sjang Seelen. Weej as optochkemissie wille ózzen dank oetspraeke veur al zien energie en veur wat hae veur de Moeraskwaakers en ouk veur de Vensen optoch haet beteikend.

Names de Optochkemissie:



Leon van Niekerken
Frank Jambroers
Jeroen van Dijk
Roel Nijholt

Schoelwaeg 107
Straolsewaeg 411
Schoelwaeg 105
Straolsewaeg 357

06-40676393
06-27894645
06-51354722
06-48529724





D'n Opstaeker 2020

Dae is weer veur
€ 5,00 te kriegel!

Geej kint deze koupe beej
ózze penningmeister,
Jack Theelen,
tillefoon: 06-53507178
e-mailadres:
[penningmeister@
moeraskwaakers.nl](mailto:penningmeister@moeraskwaakers.nl)

Door dae te koupe steunt
geej de Moeraskwaakers.

Laot zeen det geej
same mit ós de
Vastelaovend viert,
dus.....

D'n Opstaeker 2020 Staek um op!

marga's
HAIRSTYLING

STRAELSEWEG 5 | 5911 CL VENLO | TEL. 077-354 07 23 | MARGASHAIRSTYLING@ZIGGO.NL



Kwaaker Kuueb en Joeks de moes



Kwaaker Kuueb oet de Noordervaart had 'ne kammeraad
Joeks de moes, waal te verstaon
Dae had zien moezehol aan d'n euverkant van de straat
En de zoogs um geregeld nao Kuueb toe gaon

Zeej kwazelde same waat aaf en hadde de grutste jen
Maar in de winter as 't vroor, hadde zeej 't mei zwaor
Zeej struinde dan op zeuk nao aete door 't Ven
Ouk beej de minse binne, jao ierlik waor

En zoeë woort Kuueb ziene kammeraad ouk kwiet
Door dae zeuktoch nao waat te aete
Hae haet Joeks noeëts mier gezeen tot ziene spiet
Maar is um nog altied neet vergaete

"Wao is Joeks dan gebleve?", vraog geej óg zeker aaf?
Det zal ik óg vertelle en dit is waor gebeurd
't Waas in 2010 op Boerebroelofsdiensdaag
't Vroor det 't kraakde en Venlo waas door snieë wit gekleurd

Joeks waas op zeuk nao aete in 'n scheurke aanbeland
Hae had zó'en hónger en ouk dors
't rook heej zoeë lekker en dao zoog hae de mand
Vol mit joeg, kieës en wors

Joeks spróng in 't mendje en begós te schranse
Inens veulde hae det de mand woort opgepak
"Oeps", dach Joeks, "waat zien mien kanse?"
Ik blief maar zitte wao ik zit" en hae beet in 'n knak

Joeks veulde det d'r iers geloupe woort en daonao mit 'n ker
gereje
De mand woort örges binne neergezatte
Joeks bleef zitte tösse al 't lekkers, diek tevreje
Gelökkig bespeurde hae gen katte

Toen veulde hae det de mand weer bewoog
Weer in de ker, 't waas dao bieëstig fris
En weer örges binne, hae keek euver de rand en zoog
Det hae beej de Maaspoort waas, in de kleidruumte van 'nen
artist



Dao zoot hae 'nen hielen tied, zien buukske diek en rónđ
Hae hoort emes zegge det 't Krense haos aafgeloupe waas
Hae hoort vootstappe en de mand ging weer van de grónđ
Nao boete, hae veulde de keld en hoort moder Maas

De mand woort in 'n ker gezatte en d'r kwame minse beej
Veur de ker stónd 'nen tractor, veur paerd waas 't te glad
Hae hoort inens holadiejeja holadiejee
En 'n jungske zag det hae hónger had

'n Vrouwestum zag: "pak maar waat lekkers oet de mand"
En 't dekske ging d'r aaf
Toen zoog Joeks 'n kinderhand
"Dao zit 'n moes", zag 't menke braaf


" 'n Moes", reep 'ne man in de ker, " 'n moes, 'n moes"
Hae schrieëwde moord en brand
Joeks hoort gegiechel en gesmoes
en woort beej de stert gepak door 'n mannehand

Dae man slingerde Joeks oet de ker de Alde Mert op
En Joeks vloog wie ein vlaermoes door de lóch
Hae kwaam gelökkig op zien puetjes terech en neet op
ziene kop
En vónd in de bouwput van de Maasboulevard al flot 'ne
niejen bóch

En de Boerebroelofstoet vertrok richting stadhoejs
"D'r zit weer joeks in de lóch", zag Joeks de moes

Sjaan van de Straolsewaeg





't Kind in dich



Kind zien weej allemaal gewaes. Det is ook neet zoeë meujlik, want zoeë wuurs se gebaore. De oetdaging is aaf en toe nog kind te zien. Det mak 't laeve leuker en sóms meschiens waal mekkeliker. Oetintelik bliefs se neteurlik altied kind, de bliefs immers 't kind van dien elders.

Maar ik bedoel juus die ónbevangeheid, 't gek doon, vuuel vraoge stelle en lache um nik. Oet ónderzeuk blyk det kinder waal 300 kier per daag lache. Helaas geit det d'r 'n hiel stök aaf as se alder wuurs. Dan lachs se nog maar 20 of 30 kier. En det terwiel lache gezond is. Weej kinne allemaal det bekinde spraekwaord: " 'nen daag neet gelache, is 'nen daag neet gelaef".

Óntspanning en relativere zien juus belangrik in 'n minselaeve. Mit name in dezen hectische en ónveurspelbaren tied. Weej hebbe 't zelf altied drök of dinke det weej 't drök hebbe. Daonaeve gebeure d'r in de waereld zó'n gekke dinger, die veur 'ne normale mins neet te begriepe zien. Burn-outs, euverspanne waere en nog vuuele ergere dinger ligge dageliks op de loer.

Ik heb avel nog noeëts gehuurd det 'n kind 'nen burn-out had of det 'n kind 'nen oorlog is begós. Zet kinder beejein en zeej make (nao meschiens de kat oet d'n boum gekeke te hebbe) kóntak. Zeej make plezeer en speule same. Wie moeëj is det? Det zien toch prachtige eigeschappe!

Volwassene zoele waallich ens wat dökker mótté kieke nao kinder. D'n baog kin namelik neet altied gespanne zien en sóms is 't waal ens leuk um nieje minse te liere kinne. Same lache schep ouk 'nen band. Waat kin helpe um weer efkes kind te zien, is de Vastelaovend in 't Ven. Want beste minse

"D'r zit weer joeks in de lóch". De kómmende waeke vinde d'r weer diverse activiteite plaats, waobeej 't gen inkel perbleem is um gek te doon en dich anders te gedrage. Sterker nog ... 't wuurt juus gewaardeerd as se 't duis.

De Vastelaovend is van aldshaer 't 3-daagse fees, waobeej de dagelikse sleur efkes aan de kant gezatte kin waere. Laote weej ós good realisere det weej dees bezondere oetlaotklep tot ós beschikking hebbe. Maak d'r dan ook dankbaar gebroek van! Maar waal op zó'n meneer det weej det de kómmende ginneraties kinne blieve meigaeve... Dan hebbe die in idder geval 3 daag in 't jaor zeker waat te lache!

Ammeseer óg en speul veural,

Sander Mattheijssen

Ps: Ik realiseer mich det ik mekkelik praote heb, umdet ik thoes dageliks 't spiegel krieg veurgehalde door mien twieë kleine blage.



33 Jaor 'Joeks in de lóch'



Dit jaor zien weej gestop mit Neutjesrang. Geej zeet neteurlik allein maar wat d'r op de buun gebeurt, maar in d'n aanloup nao zó'n optraeje, beej rippetties, ónderwaeg nao 'n optraeje, gebeurt d'r ouk nogal waat.

Zoeë ginge weej in Haarlem goocheltrucs koupe en lepe te zeuke nao de winkel van Jan Monikkendam. Umdet weej um neet kóste finde, vroog René aan 'ne man "meneer, bent u hier een beetje bekend?" Waorop dae man zag "een beetje bekend? Ik woon hier, ik ben hier heel bekend!" "Oooh", zag René, "dat is jammer, want wij zoeken iemand die hier maar een beetje bekend is!" en leep door, dae man mit aope mónd achterlaotend.

As se kwats en ónzin maks op 't podium, dink idderein det alles wat d'r gebeurt d'r beej huurt. Zoeë is Tommy Cooper tiejes 'n optraeje euverleje en 't deurde effe veurdet 't publiek door had, det det d'r neet beej hoort. Zoeë gebeurde beej ós det René hiel flot 'nen appel op meus aete tiejes 'nen act. Hae verslikde zich en ik zoog det hae aan 't stikke waas. Ik houwde um flink hard op ziene rök. 't Publiek lachde. Toen det neet

holp, sloog ik van achter mien erm um ziene borskas en goof 'ne flinke rök. Hae speejde d'n appel oet en 't publiek lachde, behalve de ierste rieje, die zote ónder d'n appeleemoos.

Beej de leedjesavend zote weej alledreej in 'n doeës wao allein de bein oetkwame. Op de doeëze stónd 'n vraogteiken en oet ein doeës stook 'n vaer. 't Ging euver Prinsraoje. Weej dreide mit die doeëze um ein haer as of 't 'belke-belke' waas. Noow hadde Paul en ik veur de erm en de kop al gater veur gestans, wao weej allebei tegeliek oetkwame as Adjudant. René, as Prins, zoel d'r zoeëgenaamp neet oet kinne. Weej gove um daorum 'n zaag aan en hae begós zich d'r oet te zage. Maar ja, 't is kertón en gen holt en die zaag ging d'r doorhaer wie bótter. Ouk door zien hand en 't blood struimde euver de doeës en 't publiek det lachde. Toen ze um nao 't optraeje mit zien hand in 't verband zoge loupe, dachte ze volges mich nog det 't d'r beej hoort.

Jao, d'r zit weer joeks in de lóch.

Fijne Vastelaovend wins óg,

Fred van den Bogaard



GIPMANS VD ZANDEN

The freshest fruits & vegetables



U LOGISTICS

www.u-logistics.nl

famos

Competence in CSSD

Experience since 1946

Anita's

Huis en tuin decoraties
Bruids- en grafwerk

"Het geven van workshops"

Anita Smits
De Ossenberg 6, 5916 SH Velen
0612229476
asmits@live.nl

BOOM TOT BEELD

Roel van Wijlick

www.boomtotbeeld.nl
Schoolweg 96 | 5916 PL Velen
T. +31 (0)642 94 94 66 | roel@boomtotbeeld.nl

Onderhald van alle merke!

Schat kiék eins waat prachtig,
zoevuul sieke wages beej Noorderpaort,
heej zit vas wasi elke moeje auto beej veur mich

**AUTOBEDRIEF
NOORDERPAORT**

www.noorderpoort.net
Noorderpoort 12, tillefoon: 3523000

In Velde en 't Ven, dao zit joeks in de lóch!



't Ven is eigelik altied 'ne roeëjen draod daor mien laeve gewes. Beide opa's en oma's hebbe dao gewoeënd. Opa en oma Hafmans aan de Groethofwaeg en opa en oma Sparidaans aan de Schoeëlwaeg. Opa en oma Hafmans zien later verhoes, wie mien opa zien aannaemersbedrief kwiet râkde.

Mien aldste herinnering aan 't Ven is woeëne beej mien opa en oma aan de Schoeëlwaeg, umdát miene pap vur 't werk nár Amsterdam mós. Mien mam en ik same mit mien breurke, ginge toen vur 2 jaor vánoet Tegele nár 't Ven.

Ik meugde toen zelf ok nag kort nár de Gemmaschoeël gaon. Wát ik mich dao nag ván herinner is 't fleske melk dát weej in de pauze kraege. Daonao neteurlik de bezeuke iddere zóndaag aan opa en oma. 't Ven, altied gezellig en leuk en vuuel pláts um te speule.

Jaore later, wie ik in Velde kwaom woeëne en wao opa en oma Hafmans oorsponkelik vánaaf kwaome, waort ik lid ván De Wuilus. De Wuilus en de Moeraskwaakers hebbé 'n lange traditie ván zustervereiniging en vrindschap. Dát bliek naet allein daor 't heure ván ós prinsewages idder jaor vur euren optóch, már vuuel mier oet de momente dát weej ós treffe. Mit of zónder meziek is d'r dán altied joeks in de lóch!

't Ierste (in)officiële treffe in eur sezoen is duk tiejes ózze Gekke Maondaag wao de Moeraskwaakers al jaore aan deilnaeme. Mennig Trio haet dán al de veurdüp nao d'n optóch in de Veldese kefees en eindigt de Gekke Maondaag vur eur duk op Brokke Dinsdaag. Ok waore zeej al 's te gas op ós zittinge in november.

De Moeraskwaakers en De Wuilus liere vuuel vánein. Beide vereiniginge staon vur 't behald ván de Vastelaovend / Gekke Maondaag in eur pláts. Allebei zien zeej gruuets dát zeej

dit vur eur pláts en -in ós geval dörp- kinne en meuge organisaere. Dát is ok wát ik ván de Moeraskwaakers zoeë knap vind. In Groeët Venlo intusse al 46 jaor eur eige activiteite gaon en blieve organisaere mit vuuel succes! Kiek allein al nár d'n optoch... wae haet dát in Venlo boete Jocus? Ik bin dán ok ván meining dát se ás samelaeveng d'r vur mós zörge dát dien eige identiteit, gebrooke en cultuur behalde blieve. De mós d'r same vur wille en blieve gaon ás inwoëner ván 't Ven en Velde.

Ik wins óg vánoet Velde allemaol 'ne geweldige Vastelaovend in Kwaakersland en wae wet zaen weej ós op 27 jannewari 2020 in Velde beej ózze Gekke Maondaag!

Alaaf!

Harold Hafmans

Vors – Veurzitter

Gekke Maondaagvereniging De Wuilus Velde

Dees teks is geschreve in 't Veldes dialek.



Waat 'ne kwats

"Wils se weer 'n stök schrieve veur de Kwaaker?", woort mich 'n paar waeke geleje gevraog. Neteurlik heb ik dao JAO op gezag. Maar 't daonao ouk weer op 't lets laote aankómme. En dus zit ik noow mit de hand in de haor. Alhoewaal, det velt waal mei as ik ierlik bin. Want zoeëvuuel staon d'r neet mier op miene kop. En zeker neet naoedt vanaovend ouk nog de kapster op bezeuk is gewaes. Veur alle dudelikheid, neet um kóffie te drinke, maar um mich de haor te knippe. Taegeswaardig is die trouwes zoeë mit mich klaor. Zó'n 10 minuutjes. Nae, 'n oetdaging veur de kapster bin ik neet mier. Ik verwach ouk neet det zeej al 'n paar waeke haet oetgekeke nao 't bezeuk aan mich. En as kappersmodel zal ik ouk waal neet mier waere gevraog. Maar good, dao wil ik 't vaerdér neet euver hebbe. 't Bezeuk van de kapster vind ik namelik 'n privé aangelaegenheid. En trouwes, op grond van de AVG meug zeej ouk nik loslaote euver mien knipbeurt. Enfin, naoedt de kapster weer weg waas, bin ik mich d'r op de



bank maar ens good veur gaon ligge. Dao waas plaats genóg umdet mien vrouw toch neet thoes waas. Mit nog 'n paar daag te gaon veur 't verstrieke van de deadline woort 't noow toch ech tied um iets op peper te zette veur de Kwaaker. Maar gelökkig is d'r altied zat um euver te schrieve. Ik hoof mich d'r maar veur te gaon zitte en 't rolt as vanzelf oet miene mouw. Kins se naogaon as se twieë mouwe hebs. Det mak de keus waal meujlicher. 't Is dan ouk te gek veur wäörd um te bedinke det ik neet weit wao euver te schrieve. Wie kump me daobeej? Wae zaet det? Nae minse, det is ech groeëten ónzin. Dae det zaet dae kin mich avel neet good. Ik heb namelik 'n groeëte fantasie. Teminste as ik mien vrouw mótt gluive. Die zaet namelik altied taege mich det ik in sprookjes gluif. Dus minse, ge hoof neet ongerös te zien. Al maonde heb ik nao zitte dinke wao euver te schrieve in de Kwaaker. En neteurlik twiefels se dan nog waal ens. Geis se schrieve euver 't motto "D'r zit weer joeks in de lóch" of euver 't Prinseraoje of meschiens ens euver VVV? Dao velt namelik ouk waal altied waat euver te näöle. Maar good, op 'n gegaeve moment mós se neteurlik 'n keus make. De kins d'r namelik nog hiel lang euver naodinke, maar dan kump d'r ouk nik op peper. En dus had ik mich bedach um maar ens te schrieve euver.... Waat? Meug ik maar 450 wäörd schrieve?

Waat is det veur 'ne ?

Wiel Wuler

DECKERS



GRAND-CAFÉ

RESTAURANT

20 VERSCHILLENDE SOORTEN ONTBIJT

Mgr. Nolensplein 44 • Venlo • T. 077-3516858



ONTBIJT - LUNCH - DINER

Mgr. Nolensplein 7 • Venlo • T. 077-3513618

Dansgarde v.v. de Moeraskwaakers



Van links nao rechts/van baoove nao ónder
Fabiënne Coesmans, Daisy Jacobs, Zoë de Lanoi,
Maartje van Rijn, Lynn Coesmans, Emma Houkes, Pien
Maas, Esmé de Lanoi, Aniek Dohmen, Maud Slaats, Zoë
Nijholt, Linda Woltering, Ize Camps, Julia Jansen

Tiejes 't Dansgardefestival zien ós maedjes mit de gardedans
4de gewaore en ós maedjes van de showdans hebbe de 3de
plaats behaold.

Same mit Christel en Quinn hebbe weej 'n
optraeje meuge verzöge beej de Beerendonck.
Man, wat was det sjiek!



Dansgarde 2020



Showgroep: Pien Maas, Lynn Coesmans, Emma Houkes, Zoë
Nijholt, Aniek Dohmen, Esmé de Lanoi, Linda Woltering,
Daisy Jacobs, Zoë de Lanoi



Garde groep: Britt Gipmans, Kiki Hovens,
Livie Schoolmeesters, Suus Camps, Nina Gipmans,
Floor van Rijn, Cielke van Rijn, Maud Dohmen

Salon Wendy
for hair & beauty

Wendy Nijholt
Stradseweg 357
5916 AB Venlo
Tel: 06-29807677

Praktijk Aquila

Pedicure, Massage en Tarot

Sonja Baekus
Noordervaartlaan 31, 5916 SR Venlo
Tel. 06-23454611 www.praktijksonja.nl

Geregistreerd bij Provoet en TBN

PEGGY
MUURSCHILDERRINGEN

WWW.PEGGYMUURSCHILDERRINGEN.NL
TELEFOON: 06-20502762

de Parkethoeve

Hoogwaardige authentieke en trendy vloeren

Traditionele houten vloeren - Laminat + pvc vloeren - Lamelparket - Onderhoud
Advies - Renovatie en opschuren van bestaande houten vloeren

Johan Ruttel - Arenborgweg 84 - 5916 NM Venlo
T: 06 25 08 09 39 - info@deparkethoeve.nl - www.deparkethoeve.nl

Altied al wille vlege?

WINGS TO FLY
FLIGHTSCHOOL

W.B.V. De Losse Flidders



4 Jaor geleje zien weej as groep jónges oet 't Ven begós mit 't bouwe van Vastelaoveswages. Waat iers begós mit 'n beerkrat is wies op vandaag oetgegreijd tot groeëte praelwages die door 't Ven, Velde, Blierick en Venlo trekke. Elf Vense jónges mit 'n visie en kennis van techniek, die kinne lasse en sliepe, creatief zien, oug veur detail hebbé en hunkere nao 't bouwe van prachtige Vastelaoveswages.

Nao twieë jaor ervaring op te hebbe gedaon en ós zelf óntwikkeld te hebbe, hebbe weej ós samegevoog mit 'ne maedjesgroep (Noow of Noeëts). Same heite weej noow: W.B.V. De Losse Flidders en immiddels telt de groep al 26 minse. Mit dees kómbinatie kóste weej 't groeëter en moeëjer make mit mier bewaeging in ós wages. Weej zien daorum ook super bliej det weej eine groep zien gewaore!

Nao 't bouwe van 'n beerkrat, de bieësteboel, 'nen ónderwaterwaereld en Mexico, kinne weej as groep gruuets truuks kieke op wie weej zien begós tot wao weej noow zien. Van bouwe zónder teikening nao 't kóplete oetteikene van maote en ideeë. Ós pakke waere idder jaor gruuets, moeëjer en spectaculairder, net as de bewaegende ónderdeile op de wage en de pôppe die schitttere!

In 2019 hadde weej 't thema Mexico. Weej hadde vuuel ideeë, maar weinig tied. Óndanks de minnige stressmomente die 't bouwe van 'ne groeëte wage mit zich mei bringk, hebbe weej ós as groep neet drök gemak. Óndanks det de wage in ós ouge neet kóplete waas, haet 't publiek heej nik van gemerk. 't Is daorum zoeë moeëj um van minse te hure: "Waat zuut 't d'r weer prachtig oet!", weitende det 't neet klaor waas zoeëas weej dit gaer hadde gezeen. Heej doon weej 't uteraard allemaol veur.

Weej kinne dit neteurlik neet allein en zien super bliej mit de minse die ós financieel of mit materiaal sponsere. Zónder dees minse kinne weej as wagebouwersgroep neet zo'n groeëte en moeëje wages bouwe idder jaor.

Mit 't thema circus gaon weej d'r dit jaor weer veur zörge det d'r 'ne prachtigen optoch wuurt neergezatte mit 'ne moeëje wage en pakke. Want zeg noow zelf: D'r zit weer joeks in de lóch!



W.B.V. De Losse Flidders





Tom's Carwash

Waspark ook in de winter
regulier geopend!

♦ wassen ♦ stofzuigen ♦
ramen reinigen ♦
♦ dashboard stofvrij maken ♦

Ma. - Vr. van 9.00-16.00 uur zonder afspraak

V.I.P.

Wasstraat & Tom's shop
Ma. - Vr. 8.15 - 18.00 uur | Za. 8.30 - 17.00 uur | Zo. 11.00-16.00 uur
Zelfwascentrum dagelijks geopend van 5.00 - 24.00 uur
van Coehoornstraat 1 | Venlo | 077-3544090 | www.toms-carwash.nl



Zitting 2019





GEBA TRANS

your transport, our business

VERCOULEN v.o.f.
Grondverzet & Egalisering
Venlo Tel: 0031 (0)6 15104079

Voor al uw grondwerken en transport van al uw (bouw)machines
Adres: Middenweg 56 Venlo



Richard Alberts
Saxofoon
Uitvoerend en docerend musicus
06-23093108
Richardsax@hotmail.com



Wordt vergoed
door de BASIS
Verzekering

Tandprothetische praktijk
Leon Engels

Wij nemen de tijd voor u
Bel:06 24 808 524
www.comfortdental.nl

Moeraskwaakers Trio 2019



Truuuk nao begin 2019

Goh, wao mótté weej beginne? Dit ónvergaetelike sezoen is neet in inkele pagina's same te vatte. Maar weej zulle 'n poging waoge.

Intelik is dan 't moment des se dich meugs prissentere aan 't Ven. Zoeë lang op veurbereid en zoeë lang in spanning. Veur 't oetkómme meuste weej ós nog prissentere aan 't bestuur. Weej zote mit ós oetroop-pak (mit maske) in d'n auto en meuste wachte in 'n bós. D'r kwame toen net minse naeve geloupe, die eur tempo flink verhuuegde wie zeej gemaskerde manne zoge.



De zitting waas erg spannend veur ós. Want weej hadde al langer 't geveul det de ouge op ós gerich zoele zien. Daorum lete weej ós vaders veur ós oetkómme. Óndertösse waas 't aan ós um zoeë röstig meugelik te blieve. Iets waat neet mekkelik is en zoeë zoel blyke. De kins aafspraake en oefene op welk moment van 't nummer se nao veure springs, maar det bliek toch lastig as se zenuwechtig bis. 20 sekónde veurdet weej nao veure meuste springe, dreide ós vaders nogmaals de zaal in en speulde de nerve beej Eric flink op. Heejdoor spróng Eric inkele sekónde te vruug nao veure en daorop meuste Luc en Robin flot 'he sprint trekke um d'r beej te gaon staon. Heerlik, die energie die dan vreej kump en 't enthousiasme waat volgde van de minse in de zaal en ózzen eige Raod van Elf.



Vanaaf 't moment det weej oetkwame, begós de rollercoaster veur ós. De dinks tied te hebbe um idderein 'nen app te steure of 'n berich op facebook te plaatse, maar dao krieks se dus gaar gennen tied veur. 't Ging zelfs zoeë gehäös det Robin en Eric de schoon vanein hadde aangetrokke. Dao kwame zeej daags d'r nao pas achter, gezeen de pienlike veut van Eric en de losse schoon van Robin. De zitting woort zoeëwiezoeë al ónvergaetelik. Dj Otto Wunderbar zat de tent op de kop en d'n aovend ging door wies in de late eurkes. Daags d'r nao meus d'r versierd waere. Alleriers beej Adjudant Robin, wao veur 'ne gojen baom waas gezörg. Vervolges beej Eric zien nieje thoesplaats naeve zien elders. Op nummer 59 kwaam zienien eige caravan te staon, wao hae de dreej bónite waeke mit zien vruike Boukje in zoel verblieve. As letste versierde weej beej Hoeëghheid Luc, wao de waeg net aope waas gegoeëjd door de gemeinte en hae taege 'nen aope waeg meus aankieke.

Vervolges hebbe weej de receptie van de Wien bezóch en as aafsloeting 't naopraote, wao weej (of eigelik weer ós vaders) nog ens oet meugde kómme. Taeves woort de sleutel via 'ne leuk bedachde quiz euvergedrage door Jubileumtrio 2018. Eigelik zoel 't de ierste paar daag relatief röstig zien qua activiteite, maar de caravan had in korten tied de media bereik en veur weej

't wiste stónde de krant, Umroop Venlo, L1 Radio en L1 TV veur de deur veur 'n reportage. Gekleid in 'ne foute pyjama mit rammelende beerflesse woort Eric oet de caravan gehaold door Luc en Robin, um opgehaold te waere mit 'he typerende Mercedes richting de volgende activiteit. Alle ingrediënte veur 'n komische reportage. Dit zoel oetintelik veur vuuel positieve aandach zörge.

Waat ook hiel leuk waas, waas 't veurlaeze van bukskes op basisschoeël 't Sterrepaad, de vrugere Gemmaschoeël, wao weej ook nog op gezaete hebbe. Alle klasse ginge weej aaf, wao weej mit vuuel enthousiasme óntvange woorte. Veurlaeze is neet mekkelik veur dreej manne zónder kinder, maar toch erg leuk um te doon. Kinder die dich aankieke asof se Sinterklaos bis en zelfs verlaege wegtrekke. Det zien weej neet gewind. Neteurlik meus d'r aafgeslaote waere mit 'ne polonaise door de schoeël.

Vervolges hebbe weej aete geserveerd veur de seniore. D'r woort veur eur gekaok in de Bantuin. Vuuel verhaole euver vruger passeerde de revue, wat zörgde veur vuuel herkining wie 't vruger waas.

Op vriedaag stónd de krogetoch op de planning. Mit de partybus ginge weej de kroegje aaf. Weej krege goje goulashsoep beej de ierste locatie Verbeek, waat 'ne gojen baom waas veur de res van de geweldigen aovend wao 't



LOONBEDRIJF
Gipmans


Tel.:0031 (0)77-3517537



Bel gerust voor elke klus

RH Schilder- & Onderhoudswerken

robertheijnen@home.nl
Tel: 06-34608671



Moeraskwaakers Trio 2019



beer riekelik vloeide. Ouk de Hazewind stónd weer op 't lieske, wao weej beej binnekóms al op de taofel ginge staon. Neteurlik meus d'r ouk weer traditioneel 'ne halve liter pils ge-at waere mit Hen. Deze kier zal hae neet flot vergaete, want veurdet Hen op de helf van zien glaas waas, had Eric 't zien al laeg. Luc en Robin hadde zelfs pas de kraag net d'r aaf. 'n Unicum, want Hen kloppe doon d'r maar weinig. 't Leverde Eric op de receptie zelfs 't glaas op as trofee. Det d'n aovend nog wild verleep, waas te merke aan 't aantal medalies die sneuveldé (sorry Marc Slaats veur al dien rippereerwerk daen aovend) en maar leefs 9 knuij verdwene van ós pakke.

Mit lichte koppien meuste weej de volgende morgé weer vruug oet de vaere um de optochtwages te versiere. Weej hadde goje hölp van de Patternate die ós kwame helpe! 's Middaags waas dan de jeugmiddaag wao 'n fantastisch niej Kwartet woort oetgerope. Veer blage mit ónindige energie, die same mit ós 't Ven op de kop hebbé gezatte.



Aansloetend zien weej as Trio nao d'n Hofbal van Jocus gewaes. Dao wiste weej nog stiekem foto's te make van Luc mit 'n ald-Jocushoeëgheidsmuts op.

D'n daag d'r op hebbé weej in de bus nao de receptie van Jocus flink remmiedemmie gemak mit de jeug. Weej as Trio hadde nik's te zegge in de bus, want de jeug zörgde d'r veur det 't Kwaakerleed nonstop in de bus gedreid woort. Waat 'n plaatje dao beej Jocus, wie weej dao mit zien alle op de buun stónde.

Dan ein van de hoeëgtepunte van ózzen tied as Trio. D'n optoch van 't Ven. Dankzij de opwerming van de aerd krege weej zomerse umstandigheje van maar leefs 35 grade! Althans zoeë veulde 't ónder de mantels en in 't zunke. D'r stónde zelfs minse in de korte bóks naeve de kant en ózzen Hoeëgheid waas zoeëwaor 'n bietje verbrand. Naeve de kant stónde de minse rieje diek. Waat kins se schoeëner winse dan zó'n umstandigheje. Maar ouk 't niveau en de kwaliteit van alle groepe en wages waas erg hoeëg, wat zörgde veur 'nen ónvergaetliken optoch, zoeëwaal veur ós as veur de minse naeve de kant.



Dan waas d'r nog d'n trujenaovend mit as thema Moulin Rouge. Mit de ald-Prinsewage haolde weej moëj verkleide vruikes op in 't Ven en brachte eur nao ós Residentie, wao zeej 'n hepke aete krege. Weej bezóchte tössedorog nog ózze Sirremoniemeester dae helaas door umstandigheje neet mit de bel veurop kós in ós sezoen. Maar weej ginge ouk op kraomvisite beej ós raodslid en taeves kammeraad Walter en zien vruike Mieke. De ierste medalie veur kleine Marijn.



Vervolges nog nao Sjang Seelen, wao genóg verzamelstökke van de Moeraskwaakers te bezichtige ware um 'n museum mei te völle. Helaas is Sjang op 15 september 2019 plotseling euverleje. 'ne Man mit 't hert veur de Vastelaovend en ós vereiniging op de goje plaats.

Aafsloete dejé weej neteurlik mit ós truje. Op 'ne supergezellige aovend wao idderein op zier ludieke meneer aan 't door ós bedach thema had voldaon. Respek veur wat de truje waal neet allemaol meigenaome en verzónne hadde.



Ouk 't Sterrebal zoel 'ne waan aovend waere. Maar nao iers nao de viering in de kerk te zien gewaes, meuste weej nog nao de Törvers, wao weej op kratte meuste staon um op dezelfde huuegte te staon as eur Trio. Man, wat ware die



poelsmakelaars.nl

Poels makelaars



077-310 10 39

Een tegelfeest voor het hele huis.
Nú bij ons in de winkel vtwonen tegels

vt wonen tegelcollectie

W. van Elderen
Bouwmateriale en Tegelhandel B.V. Tegelzetterij
Huiskensstraat 62 Venlo | 077 - 351 29 42 | www.wvelderden.nl

Vitaalplus
fysiotherapie
www.vitaalplusfysiotherapie.nl

KAPSALON CLAUDIA
GABRIËLSTR. 1 VENLO TEL 0773515053

Veegtesstraat 2
5916 PG Venlo
T: 077-3542440

Deni
Houten speeltoestellen

www.deni-speeltoestellen.nl

Moeraskwaakers Trio 2019



Lank of zien weej waat klein van stök? Vervolges flot truuken nao ós Sterrebal. Mit ós thema Fiesta Mexicana wis idderein waal raod. De Mexicaanse moor woort midde in de feeszaal opgebouwd en zoeëwaat idderein waas figuurlik aan de coke. Ouk 'n echte Pablo Escobar stond midde in de zaal. Of waat dach geej van 'n pôp mit de naam Coca-Ine. D'r woort zelfs gekaok op 'n coke-stel. Wie origineel kins se zien! Good oppasse waas 't ook veur 't drugskartel Los Kwaakos.

De bein begoste al langsaamaan pien te doon, maar ós receptie stond veur de deur en det beteikende nog ens 6 oor op de bein staon. Óngeluifelik wieuvel familie, vrinde, zustervereiniginge, bekinde en collega's kwame fillicitere. Jaomer des se eur daen daag neet allemaal persuuenlik kins bedanke. Maar 'n groeët dankewaal geit nao eur oet. Vuuel goje speeches en anekdotes kwame veurbeej. En óngeluifelik, 't aantal kedoos det weej krege! De hoeskamer van Luc kwaam d'r vol mei te staon en weej meuste mit maar leefs dreej auto's rieje um alles mei te kriege.

Dae maondaagaovend stond Fortissimo op 't programma. Zoeëas altied speulde zeej 'Venlo stedje van lol en plezeer' en meugde alle Trio's van Groeët Venlo 't podium op. Zoeë mediageil as weej zien, stormde weej mit zien dreje same mit de dansmeriekies, nao veure um 'n prominent plekske veur op de buun te bemachtige.



Op dónderdaag waas nog de vlagkontrole. Aangekómme beej de ierste kontrole, meuste weej de paol mit vlag nog zelf plaatse. Waat rissulteerde in 'n verkierd um hangende vlag. Vervolges BBQ beej de caravan mit waat spectaculair veurwerk d'r beej ☺. Aafgeslaote woort d'r beej Jan Hegger. 't Is gewoëen allemaal te vuuel um op te neume, wieuvel tóffe dag det weej hebbe gehad. En dan is 't helaas toch oetintelik zoeëwied um de mantels en de mutse aaf te legge. Dan pas kumps se d'r achter wie flot det 't allemaal gegaon is en waat veur 'ne geweldigen tied det weej hebbe gehad. Al flot nao ós oetropie had ós aanstaekelike Tirolernummer ouk 't groeëtere publiek bereik, want ós nummer hoorte weej werkelik euveral. Wie gaaf! Op dinsdag mit de boerebroelof hebbe inkele Vense jonges 'n half oor det nummer gedreid in de Gashoesstraot. En zelfs wies op d'n daag van vandaag huurs se 't nummer links en rechs, zoeëas beejveurbeeld beej thoeswedstrieje van VVV.

Minse, nogmaals bedank det geej dit veur ós meuglik heb gemak!

Weej zien nog jónk maar toch al ald-Trio 2019.

Prins Luc I en Adjudante Eric en Robin



R&R

grafische dienstverleners

strategie | (web)design | copywriting | prepress | printing | distribution

Jeugkwartet 2019



Prins Julian I

Op vriedaagmiddaag veur de jeugmiddaag kwaam de Jeugkemissie beej ós in de klas vertelle det de kinder van 't Kwartet inmiddels al ingelich ware. Ouk al deej ik net of det mich nik s oetmakde, ik baalde d'r toch waal stevig van. Ik zoot d'r ech neet beej. Mien elders hadde dus toch geliek. Wie ik vredaagaovend mit mien pap en mam beej vrinde op bezeuk ging um nao euren auto te gaon kieke dae 'toevallig' nog in 'nloods stónd en mien zuske Lauren beej oma aan 't logere waas, had ik dan ook hielemaol nik s in de gater. Ik waas gans perplex wie ik op de geheime locatie in eine kier in 'n ruumte stónd, wao de ganse Jeugkemissie waas. Ik kós nik s mier zegge! Volges mich leek 't waal asof ik 't gaan neet leuk vón! Maar nik s waas minder waor. Super tóf det miene kammeraod Cas mienen Adjudant meugde zien, mien buurmaedje Sarah Prinses en vrindinke Emma Adjudante. 't Fees woort allein nog maar groeëter, wie bekind woort det Aniek en Alisha ook nog aan ós gezelschap woort toegevoog!

Weej hebbe twieë óntzettend tóffe, leuke en ónvergaetlike waeke gehad! Idderen daag waas éin groeët fees! Alleriers 't oetkómme op de jeugmiddaag. Ik had hiel vuuel kriebels in mien boek, ouk al bin ik eigelik neet gek te kriege! Weej hebbe 'n flink fees gebouwd! Ouk super tóf det ik de waek veur 't oetkómme mit miene pap de borde beej 't Trio heb meuge plaatse. Daodoor kós ik Prins Luc en Adjudante Eric en Robin al 'n bietje! Die kinne ouk good feeste! De groeëte receptie beej de Jocus waas geweldig! D'n optoch waas fantastisch, waat 'n waerke en wievuum minse d'r naeve de kant stónde! Ouk hebbe weej op 'ne woensdaagmidaag kukskes róndgebrach in 't Ven beej minse die 't enorm verdeende det weej efkes kwame. Idderein woort hiel erg blijj toen weej efkes kwame. D'r waas zelfs 'n mevrouw die haos meus bääke toen weej d'r ware. Eigelik wille weej dit nog waal 'ne kier doon! Ouk zien weej in ós officiële klöffie gaon bowle beej Taurus. Toen weej binnekwame, hadde ze speciaal veur ós Vastelaovesmeziek opgezatte! Frietjes aete beej Aniek thoes, foto's make beej 'nen echte fotograaf in de studio, Half Haenke, de foto make van alle Jeuggezelschappe in Tegele, de recepties beej alle vereiniginge, de kinderoptoch en neteurlik ouk ós eige receptie die veuraaf woort gegaon door 'n heerlik óntbijt waat ein van de elders meugelik had gemak.

't Waas 'ne geweldigen tied! Ik zal dit noeëts mier vergaete! Det ik zó'ne moeëjen tied heb gehad is mei te danke aan idderein van de Jeugkemissie die zich ónvermeijbaar veur de jeug van 't Ven haet ingezatte. Óngluifelik waat zeej allemaol veur ós hebbe gedaon. 'nen Hielen dieken, dieken dankewaal daoveur! Miene Vastelaovend kós neet mier kepot!

Julian Croonen



Prinses Sarah I

Hallo, ik bin Sarah Jansen en waas aafgeloupe jaor Prinses Sarah I. Waat waas 't super cool um oetgeloeët te waere en 'n gans jaor Prinses van de Moeraskwaakers te zien. Ik had d'r zoeë super vuuel zin in. Veurdet weej wiste wae in 't Kwartet zoot, vroog ik elken daag aan papa en mama of zeej al iets gehuurd hadde. Ik waas al 2 waeke zenuwechtig.

Op 'ne vredaag meus ik 's middags nao schoeël nao 'n aafspraak veur lenze mit papa en mama. Weej stopde örges en parkeerde. Weej ginge 'n gebouw binne en dao ging inens de meziek aan en dao stónde Yolanda, nog allemaal andere, maar ouk Julian. Ik snapde neet gans waat d'r gebeurde, wies det Yolanda vroog waat ik kwaam doon. Ik keek um mich haer en toen begreep ik 't pas. Yes, Ik zit in 't Kwartet! Wauw, waat waas dit super tóf. Ik waas zoeë blije! Heejnao waas 't wachte op Emma en Cas. 't Kwartet waas kómpleet, maar ik wis nog neet of ik Prinses of Adjudante waas. Toen Yolanda vertelde det ik Prinses waas, waas ik door 't dolle haer. Weej meugde de kleier passe en makde geliek 'n paar foto's. Weej ginge waat aete en oefende 't motto. 'n Eurke later kwame Aniek en Alishia, die Vors en Sirremoniemeester ware. Waat 'ne super tóffe groep same.

'nen Daag later kwame weej oet op de Jeugmiddaag. Ik waas zoeë vreselik zenuwechtig. Mien femilie en vrinde zoele kómme. Weej meuste truuq nao schoeël en ós mit de ganse klas verkleie. Einmaol op 't podium neumde Yolanda intelik miene naam en meugde idderein ós fillicitere. Waat 'n fees waas d'n ierste middaag al.

D'n daag d'r nao waas de receptie van de Jocus en d'n optoch in 't Ven. Weej hadde super vuuel kónfetti um te goeëje en hiel vuuel femilie en vrinde stónde op de route en beej ós hoes te zweie. Zoeë gaaf um op de wage te staon en nao idderein te zweie.


In de waeke d'r nao hebbe weej zoeëvuuel tóffe dinger gedaon, die ik noeëts mier gaon vergaete. Weej zien nao verscheie jeugrecepties gewaes, 't schoeëlbal, d'n disco, de kinderoptoch, bowle en nog vuuel mier. En euveral wao weej ware, hebbe weej gesprónge en gedans. Veural de discobus wao weej in polonaise door de gank ginge en op de taofels gedans hebbe, waas 't allerleukste. Weej hebbe ouk ech lol gehad mit 't Trio, Luc, Eric en Robin. Die ware ech (te) gek.

En as allerletste waas ós receptie op de zóndaag, wao idderein ós kwaam fillicitere en weej mega vuuel kedootjes hebbe gekrege. En zoeëvuuel sloek had ik nog noeëts gehad.

Super bedank allemaal det weej dit mei hebbe meuge make, want dit vergaet ik noeëts mier.

Leefs,

Sarah Jansen



Aliph'a's Dierencentrum

Wao alles um ággen hond dreit!

**DAAGOPVANG, PENSION & HONDESCHOËËL
IN VENLO!**

Peter & Lilian Timmermans
Auxiliatrixweg 21
5915 PN Venlo
(+31) 06-30501709

info@aliphasdierencentrum.nl
www.aliphasdierencentrum.nl



Maak van uw vakantie een belevenis!

Camperverhuur-venlo.com



Weselseweg 43 | 5916 RD Venlo | T. 0031 (0) 77 351 77 29 | E. info@camperverhuur-venlo.nl
www.camperverhuur-venlo.com

Dethleffs
een vriend van de familie

HovensCollin

Weej pakke
slummer in.
met HovensCollin



Huiskensstraat 57 www.hovenscollin.nl tel. 3589760

Jeugkwartet 2019



Adjudant Cas

Ik vónd de Vense Vastelaovend hiel erg leuk! Ik heb genaote van begin wies ind!

Ik waas in miene gamekelder Fortnite aan 't speule, wie pap en mam mit 't leedje "1000 Sterre" nao ónder kwame en mich vertelde det ik in 't Kwartet zoot. Toen waas 't nog efkes spannend, want mit wae zoel ik d'r in zitte? Wie weej beejein kwame op 'n geheime locatie, waas ik medein kei blieb, want ik zoog Julian staon. Wie tóf is 't um dit same mit miene beste vrien mei te meuge make.

Mit de jeugmiddaag zagte sómmige kinder taege mich: Ha Prins Cas. Maar ik zag: "nae, nae, ik bin genne Prins". Mier zag ik neteurlik neet, maar ik meus waal lache. Julian en ik dejé net asof weej neet in 't Kwartet zote en zagte det weej genne zin hadde in d'n optoch en neet mit groep 7 mei woele loupe. Weej wiste neteurlik det weej op de ker zoele staon en zoeëwiezoeë neet mit groep 7 mei zoele loupe.

Beej 't oetkómme woort ik door Yolanda as 2e nao veure gerope, maar doordet ik 't toch waal 'n bietje spannend vónd, stapde ik te vruug nao veure...

De recepties ware ouk leuk, veural beej Jocus, want dao ging weej mit de discobus nao toe en det is altied éin groeët fees! En op de wage mit d'n optoch heb ik ouk vuuel gesprónge en vuuel kónfetti gegoeëjd.

Ós eige receptie waas erg leuk, want weej krege kei vuuel kedo's en op de buun ging ik hielemaol los. Waat heb ik vuuel gesprónge. Soms woorte die andere 'n bietje gek van mich, maar och ja, doot ens lekker gek! De tsunami op de buun, same mit 't groeëte Trio, vónd ik ech hielemaol top.

As ik ierlik bin, vónd ik de schoon neet zoeë fijn zitte, maar ja, det had ik d'r gaer veur euver, want maar 'n paar kinder kinne zegge det ze in 't Kwartet hebbé gezaete.

't Waas zó'ne leuken tied, det ik 't gaer nog 'ne kier zoel wille meimake, maar ja, det geit noow einmaol neet. Det vind ik waal jaomer. Ik heb vuuel gelache mit mien Kwartet, Vors en Sirremoniemeester en zoeë huurt 't ouk.

Cas Doenssen



Adjudante Emma

Zaoterdaagmidaag kriebelde 't mich behuurlik in mien boek. Lekker danse mit mien vrindinne in de feeszaal van 't Ven en ik meugde nijs zegge! Gelökkig meugde groep 7 al flot nao schoeël gaon um zich um te kleie veur 't oetkómme van 't Kwartet. Truu in de zaal waas 't intelik zoeë wied, weej meugde de masks aaf en 't waas medein éin groeët fees! Pap haet medein 't bord aan de gevel van ós hoes gehange. Ouk super sjiek gemak door de elders van 't Kwartet.

Zónaag waas ós ierste receptie beej de Jocus, wao weej mit de partybus haer zien gegaon. Medein daonao waas d'n optoch van 't Ven. As Kwartet meugde weej baove op de wage staon en mit kei vuuel kónfetti goeëje. Zoeë vuuel minse naeve de kant, waat 'n fees!

Die waek daonao hadde weej ós fotosessie mit veuraaffrietjes aete beej ózze Vors. Waat hebbe weej dao gelache zeg. En de foto's zien hiel moeëj gewaore. Half Haenke stónd neteurlik ouk op 't programma, net zoeë wie 't Vastelaovesbal beej van Harte en 't JAV. Lekker feeste mit de kleintjes van 't Ven.

Op zaoterdaag ging weej nao Tegele veur de Jeugprinsefoto van Groeët Venlo, daonao nao de receptie van de Kwas en de Päärtjes. Op allebei die locaties hebbé weej flink remmiedemmie gemak op de buun. Daonao zien weej mit zien zesse (Kwartet, Vors en Sirremoniemeester) lekker gaon aete beej de McDonalds, zoeëdet weej mit 'ne vollen boek nao de Vastelaovesviering van de H. Michaelkerk kóste gaon. D'n daag hebbe weej aafgeslaote mit de receptie van Jocus Toekôms.

's Zónaags hadde weej de receptie van 't groeëte Trio van de Moeraskwaakers. Maar maar, waat kinne die d'r 'n feesje van make zeg.

Weej hebbe die waek daonao neet allein flink fees gevied op 't schoeëlbal en in de partybus nao de stad veur de kinderoptoch, maar weej zien ouk nog mit zien zesse gaon bowle. En weej hebbe kukskes róndgebrach beej aldere minse in 't Ven. Det haet waal indrök gemak. Ouk zien weej beej de oprichters van de Moeraskwaakers gewaes. Dao hebbe weej hiel vuuel vraoge aan meuge stelle en hebbe weej waat lekkers gedrónke, det vónd ik waal speciaal!

Dezónaagzien weej al hiel vruug beejeingekómme um lekker mit zien zesse same te óntbijte beej de Sirremoniemeester. En daonao hebbe weej de Vense Vastelaovend weer aafgeslaote mit ós eige receptie. Det waas 'ne middaag mit hendjes schödde, danse, kedootjes kriege, optraejes en medalies oetdeile. 't Leukste vónd ik nog det alle papa's de buun op meugde kómme veur 'ne letsten dans en det weej op eur schouwers meugde! Daonao meuste weej de mantels aaflegge, de mutse aaf en de scepters inleveren. Ik vónd 't jaomer det 't gedaon waas, want 't waas ech sjiek! Weej hebbe 'ne kei sjieken tied gehad en dao wil ik de Jeugkemissie, alle elders en idderein dae mit ós gefees haet veur bedanke.

Emma Houkes



José Duckers

Gelegenheidskleding



Feestelijke gelegenheid?

Bij ons vindt u gegarandeerd de gepaste kledij voor iedere feestelijke gelegenheid. Van een exclusieve gala- of cocktailjurk, een stijlvol smoking of jacquet tot en met smokinghemden, lakschoenen, strikjess, stropdassen, bretels, strepenbroeken, petten, hoge hoeden en manchetknopen.



Baarsestraat 128, 5923 AP Venlo
Telefoon: 077 323 08 20
e-mail: info@joseduckers.nl

www.joseduckers.nl



Rietje Gimp

**IK hòof eigelik gaar genne
NIEJEN BRIL !...**

*Ik kan van hèej-oét zeen
det dao stufkes op de
gevel zitte !...*

Stufkens

Stufkens
Venlo

Brille-Kontaklenze
PARADE 16
TILLEF. 077-3512015

email: info@stufkens-venlo.nl
website: www.stufkensoptiek.nl

H.D.
Service Venlo

Noorderpoort 2
5916 PJ Venlo
tel. +31(0)77 387 0509
www.hdservicevenlo.nl

Meer dan 35 jaar specialist in
Harley-Davidson Motoren
en officieel dealer van
Indian motoren en Rewaco Trikes.

Indian
MOTORCYCLE

rewaco



ERKEND PREPARATEURSBEDRIJF
JAC BOUTEN & ZOON B.V.
VEEGTESSTRAAT 13
5916 PG VENLO

WIJ PREPAREREN AL UW DIEREN,
VERKOOP VAN PREPAREERBENODIGHEDEN
VERHUUR VAN OPGEZETTE DIEREN.
ZIE ONZE SITE: www.jacbouting.com
E-MAILADRES: boutingbvv@online.nl

Jeugvors & Jeugsirmoniemeister 2019



Op 'ne vredaagmiddaag in fibberwari vertelde mien moder mich, det ik 's aoves op de foto meus veur de Raod van Elf. D'r meus 'n foto gemak waere veur in de Kwaaker zag zeej. Ik dach: "Leuk, ik heb d'r noow alzin in". Vanaaf toen begós 't pas tot mich door te dringe det mien moder meschiens waal aan 't lege waas. Maar ja, det zoel waal hiel oetzonderlik zien. Ik had namelik dees waek in de Kwaaker gelaeze det Vors Maud det op dónderdaag te hure had gekrege. Ik waas dus eine daag ierder in traone gewaes det ik genne Vors waas. Toen 't aovend waas, ginge weej nao Lomm veur de foto en zakde mich de mood 'n bietje in de schoon. Zoele weej ech 'n foto gaon make? Wie ik dao aankwaam, veulde ik det d'r iets neet klopde, beej de deur zoog ik door 't gordien 'n muts staon. Det waas 't moment det 't tot mich doordróng det ik Vors waas. Wie weej binne kwame, stónd dao de ganse Jeugkemissie en neteurlik 't Kwartet. Ik pinkde 'n tráönke weg van bliedschap. Effe later kwaam Alisha binne en toen ware weej kómpleteet. Daonao ginge weej kleier passe en foto's make. Wie det gedaon waas, ging 't Kwartet eur motto doorneme en ginge weej waat dinger bespraeke. Op 't ind van d'n aovend meugde weej 't bord mei nao hoes neme veur in d'n haof. Thoes ging ik mit mien moder de tekste veur de volgenden daag oefene. Dae zaoterdaag kwame weej oet, ik vóned det neteurlik super spannend. Al mien vrintinne zagte zoeë van "dich wuurs 't, dich wuurs 't" en ik 't maar veur mich halde. En dao waas ik dan Jeugvors Aniek 2019, wie tóf! Tiejes de jeugmiddaag heb ik idderein aan meuge kóndighe. Det vóned ik fantastisch. Dae zóndaag meuste weej 's morges nao de receptie van Jocus mit de discobus. Det waas super gezellig. Daonao waas d'n optoch van 't Ven, ech fantastisch baove op de groeëte ker. Op d'n dinsdaag daonao ginge weej de officiele foto's make, waat hebbe weej gelache. Weej hebbe ouk nog 'n ieske gegaete beej McDonalds mit Yolanda en Philip van de Jeugkemissie.

Uteraard hebbe weej nog vuuel mier leuke dinger gedaon. Weej zien nao allerhande recepties gewaes, nao 't Half Haenke en hebbe kukskes róndgebrach beej de aldere in 't Ven. Op de vredaag veur de Vastelaovend meugde weej mit Prins Luc I en zien Adjudante Eric en Robin mei de buun op beej de top 555 op de Parade. Weej zien gaon bowle in vol ornaat mit ós zesse en ós breurkes en zuskes. D'n allertófsten daag waas d'n daag van ós eige receptie.

's Morges vruug ginge weej mit zien alle óntbijte beej Alisha, 'n good begin van d'n daag. Daonao nao de stad veur de kinderoptoch en flot truuk nao 't Ven. Dao waas ós eige receptie. Waat 'n minse en waat 'n kedo's en toen waas 't zoeë wied, 't zoot d'r op. Ik heb d'r um mótté bääke. Waat heb ik 't tóf gehad same mit Alisha, Julian, Sarah, Cas en Emma. Ik heb genaote van 't begin wies 't ind. Ouk same mit Vors Moerassius Ton heb ik 'ne geweldigen tied gehad. Ik wil idderein bedanke veur deze kwanten tied. Ik zal dit never noeëts van mien laeve mier vergaete!

Jeugvors Aniek Dohmen



't Waas vredaag. Ik zoel mit pap en mam 'nen aovend weg gaon. Ik wis neet waohaer, maar weej reje weg oet Venlo richting Aarse. Ónderwaeg stopde weej örges en ginge weej nao binne en tot mien groeëte verrassing stónde dao Cas, Julian, Sarah, Emma en Aniek. Ik wis 't medein: ik zoel de Sirmoniemeister van de Jeug van de Moeraskwaakers waere, want det is waat ik hiel gaer woel. Ik vóned 't erg spannend allemaol. Weej meugde alles gaon passe, jas, muts en ik kreeg de bel en de Sirmoniemeisters-scepter. Dezelfden aovend hoorte weej waat weej allemaol ginge doon en d'r woorte vuuel foto's gemak.

D'n daag van 't oetkómme vóned ik erg spannend. Weej meugde mit de Raod van Elf van groep 8 de buun op. Iers woort Vors Aniek bekind gemak en vervolges woort miene naam gerope en dao waas ik de Jeugsirmoniemeister van de Moeraskwaakers 2019. Nao 't oetkómme ginge weej nao achter en woorte weej aangekleid en meugde ik veurop de zaal inloupe mit de groeëte bel.

Deze middaag vóned ik prachtig en heb ik vuuel lol gehad mit mien klasgenootjes van de Raod van Elf en 't Kwartet op de buun. De volgenden daag zien weej iers 's morges nao de Jocus gegaon mit de discobus. Mit 't Kwaakerleed d'r op reje weej hossend door de stad. Aangekómme beej de Maaspoort meugde ik same mit de groeëte Sirmoniemeister Frank veurop de buun op um de groeëte Prins van Venlo te fillicitere. Weej ginge weer truuk nao Jules en Angela wao weej 's middags d'n optoch van 't Ven hadde. Heej meugde ik same mit Aniek en 't Kwartet baove op de Prinsewage staon. D'r stónde hiel vuuel minse naeve de kant die allemaol nao ós zweide.

De waeke daonao hebbe weej hiel vuuel recepties gehad, wao weej euveral de buun op meugde en euveral 'n medalie krege. Elkes kier meugde ik veurop mit de bel, achter mich de Raod van Elf en vervolges 't Kwartet. Weej zien mit 't Kwartet en de Vors ook nog hiel vuuel leuke dinger gaon doon zoeëas bowle, frietjes aete beej Aniek, McDonalds en lunche beej papa op de zaak. Ik had 'ne lunch van Astebleef geregeld.

Weej zien mit 't Kwartet en de Vors nao allemaol aldere minse oet de gemeinschap gewaes en hebbe eur allemaol 'n presentje gegaeve. Dit waas hiel leuk. Weej ware ouk nog beej de oprichter van de Moeraskwaakers gewaes.

Zóndaag mit Vastelaovend hebbe weej ós eige jeugreceptie gehad. Veuraaf hebbe weej iers nog de kinderoptoch van Jocus Toekôms geloupe. Weej ware weer mit de groeëte discobus nao de stad gereje en ouk weer truuk nao 't Ven. Op ós receptie kwaam allemaol femilie die ós allemaol kedootjes kwame bringe. Ik had 'n hiele groeëte doeës vol mit allemaol kedoos. Op 't ind van de receptie mit 't mantel aflegge, hebbe weej nog keihard staon springe mit de groeëte Prins op de buun.

Ik zal de Vastelaovend noeëts mier vergaete, want dit waas ech super leuk. Eigelik wil ik later as ik groeët bin nog 'ne kier Sirmoniemeister beej de groeëte Moeraskwaakers waere. Ik wil de Jeugkemissie van de Moeraskwaakers hiel erg bedanke veur alles wat geej veur ós gedaon heb.

Jeugsirmoniemeister Alisha Derkx

**Uitvoerend werk
smarter maken**

**Want wij geloven in de kracht van
mensen die doen!**

Niet zomaar, want wij zijn al 25 jaar de specialist in uitvoerend werk op elk niveau. Je kunt denken aan werk in de productie, administratie, schoonmaak, logistiek, zorg, callcenters, overheid en commercie. Dit werk en alles eromheen willen wij makkelijker, sneller en vooral slimmer organiseren.

Timing Venlo | Kaldenkerkerweg 28 5913 AE Venlo T 077 302 09 86 E venlo@timing.nl

wij doen

Timing

voor al uw kwaliteits-spuitwerk

MEPOL
industriële meubel- en interieurspuiterij

Cafetaria
"De Prins"

www.frituredeprins.nl

Wilt geej óg komplete badkamer of wc rinnevere,
Dát kint ge rustig niet KLUSBEDRIEF GER FITTEN perbaara.

kgf
Klusbedrijf Ger Fitten

Zoutpad 19 5916 RJ Venlo
Tel: 077 3545061
Mob: 06 40579660

Weej winse óg
eine fantastische
vastelaovend toe



GIPMANS®
planten

Bultenvenweg 30 • Tel. +31 - 77 320 21 60 • www.gipmans.nl

Jeugdansmeriekes 2019



v.l.n.r. Romee Rutten, Lizzy Janssen, Mirte van der Heijden, Nina Gubbels, Vayenne Proosten

Ik bin Mirte en bin 7 jaor. Dit jaor meugde ik dansmerieke zien beej de jeug van de Moeraskwaakers. Wie pap en mam mich vertelde det ik waas oetgekaoze, spróng ik 'n gaan in de lóch. Ik kós neet wachte wies det weej de pekskes meugde passe en nao de ierste receptie van de Wien meugde. Waat veulde ik mich gruuets same mit de andere 4 dansmeriekes. Weej hebbe toen ouk 'n denske gelierz en dit meugde weej d'n ierste kier doon op de jeugmiddaag. 't Ging keigood en weej wónne ouk nog 'ne pries. Waat ik ouk tóf vóond waas de discobus. Dao meugs se dan op de taofels en op de banke staon te danse. En de kinderoptoch loupe en daonao de receptie van ós eige Kwartet. Die waas drök en weej krege ouk kedootjes. Det vóond ik erg leuk.

Noow mótte weej ós pekskes weer inlevere. Det vind ik waal erg jaomer. Maar ik heb hiel, hiel erg genaote. Ik vóond 't supertóf.

Och en meschiens meug ik as ik groeëter bin waal beej de groeëte Moeraskwaakers dansmerieke zien.

Groetjes en bedank veur dezen tóffen tied.

Mirte van der Heijden

Ik vóond 't erg leuk um dit jaor óg dansmerieke te zien gewaes. Ik vóond 't erg leuk in de discobus. 't Op de ker staon mit d'n optoch door 't Ven vóond ik hiel leuk. Bedank veur de lekkere snuupkes en ranja en zeker ouk de leuke kedootjes die ik heb gehad op de receptie.

Groetjes, **Lizzy Janssen**

Waat haopde ik toch det ik dit jaor dansmerieke zoel waere beej de Moeraskwaakers. Ik heb hiel dök aan mama gevraog of zeej al iets mier wis, maar zeej verklapde nijs wies de andere 4 maedjes 't ouk wiste! Waat spannend. Toen meugde ik intelik 't moeëje kledje mit d'n hood en de laerskes aan. Ik heb thoes hiel dök gepas en geshowd.

't Leukste vóond ik eigelik alles, d'n optoch en ós optraeje beej de jeugmiddaag en de receptie, wao weej kedootjes krege. En grappig det weej in de kerk rundjes meugde loupe.

Leve groetjes van **Nina Gubbels**



Hoi hoi,

Waat 'ne super leuken tied heb ik beej óg gehad!

Van alle veurpret wies aan de letsten daag heb ik genaote!

't Leefs had ik idderen daag mien kledje aan gehad. Alles

waas good geregeld.

Ik vóond danse op 't podium en d'n optoch 't allerleukste.

Bedank veur deze leuken tied.

Vuuel leefs, **Romee Rutten**

Wilt geej lid waere van
v.v. de Moeraskwaakers?

Neem dan effe kontak op
mit Bart Vestjens:
sikkertaris@moeraskwaakers.nl
tellefoon: 06 54 22 14 39

Moeraskwaakersbelónne:
5 gaele en 5 greune
veur € 2,50

Te bestelle via
verkoup@moeraskwaakers.nl

Heejmei óndersteunt
geej ós dansgarde.

De Karbinder, *keurslager*

Wolweversstraat 76
5914 WJ Venlo
T. 077- 3512771
slagerij@karbinder.nl
www.karbinder.nl

oak voor barbecue, catering en dagverse maaltijden

Um efkes oët te ruste in de bus, gaon ik gaer naor

JAGERSRUST
VELDEN

Zaoterdaag en Zóndaag
geäöpend in de winter

Iets te viere?
Weej hebbe 3 moeie ruimtes um ein gezellig fiëls te halde
077-4721937
www.jagersrustvelden.nl

Nog elikes wachte **schat**,
nao Vastelaovend,
as **Van Dijk** klaor is,
heb ik eine **moëje haof**,
en kins dich in 't nieje
zwumbad

**van
Dijk**
GRONDVERZET

Peter Van Dijk zwembaden, zandtransport en grondverzet; till. 0610385824 www.vandijkvenlo.nl

Jeugmiddaag 2019




D'n optoch van 't Ven 2019



1^e pries Faatse: Martin Billekens



1^e pries Groeëte groepe: De Kikkerbille



1^e pries Kleine groep: De Flötskes



3^e pries Wages mit groep: VG Gans Gek



D'n optoch van 't Ven 2019



1^e pries Wages mit groep en winnaar van de stampofoon: WBG Boeit Neet



2^e pries Faatse: Maurice Peute



3^e pries Groeëte groep: Altied de letste



2^e pries Wages mit groep: De Losse Flodders



ALETO
TOURINGCARS

WWW.ALETO.NL 077-8800700

UITGAANS BUS
The party is on the road!

Tel 077-8800700 / 063-7700800
info@uitgaansbus.nl
www.thepartyisontheroad.nl



de Bantuin

ontmoetingsplek voor jong & oud

Trefpunt midden in 't Ven
Ruimtes op maat (10 - 300 personen)
Verenigingen • Beurzen • Workshops
Cursussen • Vergaderingen • Feesten

Wijkcentrum De Bantuin
 Pastoor Kierkelsplein 20
 5916 SW, Venlo
 info@debantuin.nl
 www.debantuin.nl

Reserveringen
 Mw. G. de Bijl
 Beheerder
 T 077-3515413
 T 06-52122359

DYNAMIC

beeld, licht & geluid

Dé technische partner veur eine kleurrike vastelaovend!
Weej winse óg joeksige daag!

De Gruisdonk 9F
 5928 RT Venlo

T 077-3528636
 F 077-3528637

mail@dynamic.nu
 www.dynamic.nu

Trujenaovend 2019



Veurdet de Vense truje aan 't fees begóste in de tot Moulin Rouge umgetouverde feeszaal 't Ven, woorte zeej mit 'nen houp remmiedemmie thoes opgehaold door 't Trio van 2019. In de wintertuin ware de taofels al gedek en de truje kóste aanschuve veur 'n heerlik diner.

Daonao ginge zeej de zaal in veur d'n trujenbal.

DJ Leopold, alias Roel van Rijn verzorgde de meziek en kreeg genóg vutjes van de vloer.

De truje hadde zich weer good gehalde aan 't thema Moulin Rouge en dit woort op verscheie menere oetgebeeld.

't Varieerde van echte Moulin Rouge maedjes tot roeëje moele, dames van 'n datingbureau en zoeë mier. Dit leverde hilarische taferele op.

Later op d'n aovend kwame Prins Luc I mit zien Adjudante Eric en Robin mit eur gevolg de zaal in op de swingende klanke van de Böhmischer Traum en woort d'r flink wiejer gefees.

Alle truje woorte op 't ind van d'n aovend door 't Trio verras mit 'n paar leuke Kwaaker oeërebelle.

't Waas weer 'ne super gezelligen trujenaovend!

Dit jaor velt de trujenaovend op dónderdaag 13 fibberwari 2020.

't Thema is dan geliek aan det van 't Straolende Sterrebal en waal: Welkóm in 't circus det Vastelaovend het!

Is det neet joeksig? Dao kins se alle kante met op.

Wies dan!

'n Truuoj oet de Roeëje Meule



JUMBO BENDERS
spekt de kas van
jouw vereniging

Spaar jij mee?

We verdelen
€100.000,-
over lokale
verenigingen
in groot Venlo!

Bij Jumbo Benders Venlo (inclusief de kiosken en Blarick ontvang je tussen 11 november en 11 maart bij iedere €10,- aan boodschappen 1 voordeelpunt*. Waardepunten kunnen in de winkel gedoneerd worden aan een deelnemende vereniging naar keuze. Hoe meer punten er aan een vereniging gedoneerd worden, des te hoger is het eindbedrag voor deze vereniging.

JUMBO
BENDERS

VENLO | **BLERICK**
Straelseweg 183 | Vossenerlaan 78



MGP VENLO

MGP VENLO B.V.
SPIKWEIEN 37, 5943 AC LOMM
[T] 00 31 77 473 18 88
[E] MGP@MGP.NL
[I] WWW.MGP.NL



Los Angeles






New York and more...

*** Approved quarantine and indoor facility ***

info@horseservice.nl +31(0)77.398.4545 tel www.horseservice.nl

STRAOLENDE STERREBAL

Fiesta Mexicana



Voor een gedegen rijopleiding!

Autorijschool Timmermans

Loonbedrijf V.O.F. Vercoulen

Voor al uw grondwerkzaamheden Containerverhuur

vercoulengrondbewerking.nl *31(0)6 - 12 67 92 88

Schoonheidssalon
Bianca Tatton
077-3549530

reflections

BABOR

Het is weer
tijd voor de
Zo.lonaise



Gasservice Venlo
installatietechniek

Café feestzaal de Hazewind



Hen en Sandra

Met een beugelbaan die tot feestzaal omgetoverd
kan worden, die voorzien is van airco.
Voor vergaderingen, bedrijfsfeesten en partijen
Herungerweg 200 tel: 077-3511426
www.cafe-de-hazewind.nl

Body
reflex

Ellis Wienen
Ferdinand Bolstraat 45
5914 XN Venlo
06-10391819
wienen@home.nl

Praktijk voor:

- Medisch pedicure (ook voor diabetes en reumapatiënten)
- Sportmassage
- Ontspanningsmassage
- Voetzonereflextherapie
- Manicure

Behandelingen alleen op afspraak

CIM
careers in motion
werving & selectie

Kaldenkerkerweg 20
5913 AE Venlo
077-3333007
www.careersinmotion.nl

Receptie Trio 2019



Wuurd 't ôch te spannend?

Of mak ge te vúul sensatie?



A photograph of a modern industrial or office building with a curved glass facade and a grey metal frame. The building is set against a clear blue sky. A sign on top of the building reads 'kellplagroup'. To the left, a smaller building has a sign that says 'personal partner in production'. At the bottom, there is a dark banner with white text.

't Ganse jaor staon weej klaor as ógge bekindste plastic sputgeter!!
Maar mit Vastelaovend zien weej toch ouk dae echte Vastelaovesgeneter!!

Receptie Trio 2019





meubelatelierrenéhermanns #

van Coehoornstraat 22 | 5916 PH Venlo | T: 077-8500587
rene-hermanns@home.nl | www.meubelatelierrenehermanns.nl

NATUURLIJK

HENDRIKS
SINCE 1953
 VANUIT RIJKE HISTORIE

+31 (0)77 - 351 44 93
 Weselseweg 121 Venlo
www.hendrikspoelier.nl

HENDRIKS
& CO

+31 (0)6 39 62 83 73
 Vinckenhofstraat 72 Venlo
www.hendriksenco.com

Receptie Jeugkwartet 2019





Bert Thijssen Tuinen

- Advies
- Ontwerp
- Aanleg
- Onderhoud

www.bertthijssentuinen.nl
info@bertthijssentuinen.nl

Tel. 077-3547544
Mob. 06-50286813



BRENTJENS
bouw producten

**DAAR KUN JE
MEE BOUWEN!**

www.brentjens.nl



Feesaovend 2019



Jubilarisse



Dansmerieke


33 jaor

Henk & Thérèse Mulder
Peter & Christel van Rijn

22 jaor

Joep Driessens
Pieter en Antoinette Janssen
Hai van Rensen
John en Gertie Timmermans

Celine Timmermans
stop as dansmerieke





Friture 't Ven


Straelseweg 371 - 5916 AC VENLO
Tel. 077 - 354 70 71 - Fax. 077 - 354 70 71

www.frituretven.nl

m

Vasteloavend,
same geneete!

mertens
Handelstraat 6 077 3999 111
5961 PV Horst info@mertens-groep.nl mertens-groep.nl



www.gerritschuurs.nl

't Waas hertje zomer



Waat 'n waer weer. Mier as fiertig grade man. Moesstil op straat, idderein op vekansie, 't vruike ouk mit de dochter en ik stil op de bank, 'n fles keul water naeve mich en de gedachte laote zweve Mit zo'n waer wils se det de winter kump. Lekker warm aantrekke taege de keld en de dónkere daag gewoeën euver dich haer laote kómme. Kersmis mit de familie asof det 't hoeëgtepunt van 't jaor is, röstig aan mit Ald op Niej, schaatse op de Venkoele. Heerlik man, wat 'n lekker waer. Maar nae, det is 't ouk neet, bedink ik mich. Mien gedachtes dwinge mich vaerder te kieke. Vaerder as de kalden tied dae se ouk flot meug bis. Laot de linte maar kómme. De aankommende linte det is 't. As de krokusse weer gaon bleuje en de snieëklökskes zien verdord. De zón hoeëger aan d'n hemel klump. Det is mienen tied van 't jaor. In mien gedachte verandert 'ne sloek water oet de fles naeve mich in heerlik keul beer mit 'ne lekkere schoemkraag dae dich aan de baovelip blief hange. Det is 't, dao geit 't um. De Vastelaovend in 't Ven. Niks truuuk nao 't zuje, wao ze allewiels de gansen tied euver zinge. Niks truuuk, ik gaon gaar neet weg. Ik veul mich thoes. Waat mójt ik in Tegele, Holt-Blierick, Mestreech of Amsterdam? Ik blief lekker in 't zuje, in 't stedje van lol en plezeer. En ik veul 't, 't begin te kriebele d'r zit weer joeks in de lóch. Man, wat 'n geveul det zich meister van mich mak. Ik blief in 't zuje, d'r zit weer joeks in de lóch en ik höf mien glaas. Op 't moment det ik 'ne sloek wil drinke, klop d'n buurman op de raam. Of ik zin heb in 'n klepke. In eine slaag verandert mien beer weer in water. 't Is neet te proeme. Waat 'n waer in hertje zomer.

GerDeneer



D'r zit weer joeks in de lóch

"Elf van elf, sprik vanzelf, kump 'ne joeksigen tied." Det zónge ze veur 't iers in 1936. En noow zitte weej d'r midde-in, d'n tied van de joeks en de jen. Ken, 't is Vastelaovend en neet allein joeks in 't Ven.

In de liefspreuk van Jocus wuurt dao ouk euver gesproake: joeks is veur 't laeve as 't zalt veur de pap. En ederein bepaolt zelf wievuel zalt d'r in geit. Smake verschille noow einmaol. Gelökkig maar, anders zoel d'r neet vuuel variatie in 't laeve zien en waas alles 'n einheidswors. Det geit zeker op veur de Vastelaovesmeziek. Dae geit mit zienen tied mei en de óntwikkelinge blieve neet stil staon. Joekskepelle hebbe dao meuhte mei. De muzikante mótte zich oet de naod blaoze um alle technische aspekte van de nieje nummers ónder de kneen te kriege. En as se meziek maks veur de joeks van dichzelf en dae van andere, dan is 't plezeer waal ens wied te zeuke. As det ein van de raeje is waorum d'r steeds minder kepelle zien, maak ik mich zörg veur de toekóms.

Maar zoeëwied is 't nog neet: weej van ZOEË is 't laeve trääte en houwe d'r nog mit vuuel plezeer op los, zoeëdet ouk de minse die staon of zitte te luustere, meideile in dae joeks.

En daobeej, 't is neet allein meziek dae veur joeks en stumming zörg. Waord en beeld hebbe 'n groeëte rol. De sociale media drage dao aan beej. D'r hoof maar dèt te



gebeure, efkes later óntplóf de datalien mit alle berichte die se kriegs: tekste, plaatjes, filmkes. 't Ein nog kwanter dan 't ander. D'r mótte toch 'ne gas luuj zien die nik te doon hebbe. Maar creatief det zien zeej zeker. Kóm d'r maar ens op, dae kwats. En gelökkig, steeds dökker duit me zien bes um in 't dialek te schriewe. Neet altied volges de regels, maar oet de kónteks kins se opmake waat d'r bedoeld wuurt. Taal óntwikkelt zich net zoeë good.

Ouk 't gesproake waord blief neet achter. De schaele wazel is neet van de lóch en zörg veur minnige lach op 't gezich. Zeker as se mit 'ne gas man bis. Dök vels se dan van 't ein in 't ander. D'r wuurt 'n opmerking gemak en nog gen vief minute later is die opmerking gans oetein gerafeld, gefileerd en veurseen van -al dan neet- gepas kómmentaar, zien de scherpe kentjes d'r aaf gevield of juus d'r beej gedaon. Ederein

leet in 'nen deuk. En wao 't eigelik um ging, det is al haos vergaete. En terech, zoel ik zegge: aaf en toe 't verstand op nul zette, nörges euver naardinke en genete.

Trek aope die wolk zoeëdet de joeks as 'ne kónfettiraegen euver ós haer kump en ederein dao van kin genete.

Ik wins óg 'ne schoëéne Vastelaovend en det geej ouk daonao nog vuuel joeks meug hebbe.

Gerard van Gestel

Inkoopservice
Vergeldt
Bloemen en Planten vof

Molendijk 36
5941 EG Velden
T: 06 54600090

E.: Theovergeldt@home.nl

Voetverzorgingspraktijk
Lenny
Medisch pedicure

Lenny Boitelle
Schoolweg 55
5916 PK Venlo
0625305954

STINISSEN
SERVICE

Groothofstraat 41
5920816 info@stinissen-service.nl

25 JAAR
Grote Venlose rioolspecialis veur dees regio

BALANS
BESCHERMINGSBEWIND & MENTORSCHAP

Ziet geej efkes oet balans?

Susan van Rossum
Bewindvoerder
Albert Cuypstraat 1^e
5914 XE, Venlo
info@balansvenlo.nl
www.balansvenlo.nl

In memoriam Sjang Seelen



D'n hier Sjang Seelen, gebaore op 22 oktober 1952 en op 66-jährige laeftied röstig ingeslaope op 15 september 2019. Gebaore in 'n gerdeneersgezin en 't groeëste gedeilte van zien laeve in 't Ven gewoeënd.

Weej herinnere Sjang as de man dae altied op d'n achtergrond vuuel werk veur ós vereinigung haet verrich. Hae waas 'nen echte vereinigingsman, dae alles wat hae deej bewaarde en veur ós dök 'ne vraogbaak waas, óndanks det hae neet mit ós mei kós vanwaege zien gezondheid.

Jaorelang waas hae lid van ós vereinigung. Det waas 'n deil van zien laeve wao hae gruuets op waas en gaer actief veur waas.

Hae stónd mei aan de weeg van ózze huidige Kwaaker, dae 't gezich van ós vereinigung nao boete is.

Naeve vuuel tekste schriewe en kóntrolere op 't Venloos dialek, waas hae ook altied hiel attent mit zien verjördaags-en Kerskaarte. Nemes woort vergaete.

Veur d'n optoch haet hae 33 jaar gejureerd en heej alles van vasgelag.

Ouk ós handbook woort door Sjang keurig beej gehalde en as se dao iets in gemis hads, dan zörgde hae det det baove taofel kwaam.

Ein bietje (vuuel) eigewies waas hae ook, maar waal in de goje zin van 't waord.

Zien bioritme waas 't taegeneuvergestelde van det van de meiste van ós.

Mit rouke en kóffie kwaam hae d'n daag door, as ook mit zien haof en zien aquarium.

Gruuets waas hae op ziene Kersstal dae hae jaorliks gans opbouwde um aan idderein te toeëne. Zien waofels, die weej mit ós Trio's kwame preuve, ware befaamp. Det zulle weej ouk gaon misse.

Óndanks vuuel taegeslaag in zien laeve, bleef hae opgewek. Op zien kinder en kleinkinder waas hae hiel "gruuets". Zeej misse 'm hiel erg.

Sjang 't geit dich good dao baove, weej zulle dich neet vergaete.

"Hald dich!"

Weej winse José, Sandra en Roel en de kleinkinder moeëje herinneringe toe aan Sjang.

Leje en bestuur van v.v. de Moeraskwaakers



Greun

Waat is det noow weer veur 'n kleur? Greun! Bah, dao hebs se gaar niks aan. Greun duit mich dinke aan zieëwier, alge en aendekroeës. Snót is greun, net wie emes dae zieëkrank is, gen leuke gedachte.

Ouk de meiste reptiele zien greun: slange, kikkers en hagedisse. Laote weej ierlik zien, det zien meistal neet de moeëste creaties van ózze Leven Hier. De zuus ook haos gen greune auto's rieje en as se 'ne greunen draodaezel ónder dien

achterste hebs, dan vels se zeker op. 'n Greun kösse op de bank, det leet heej en dao waal of 'n greune mat, maar de bank en steul ech neet. Greun pas ook haos nörjes beej. Blauw

en greun gaon neet same en mit paars en raos wuurt 't al hielemaol 'ne kermis. Mit gael det geit nog waal, maar mit roeëd wuurt 't veur 'ne kleureblinde al lastig. Op zwart is 't lillik, allein mit wit kómbineert 't goed. Waat 'n kleur, waat 'n kleur.

Greun is ook van de appel en de peer, die zien good te aete. En as hae ech kald



is, dan smak mich zó'n pilske oet Amsterdam ook waal, det in zó'n greun fleske zit. Prei is ook greun, heerlik, en boeremoos ook. Sproete, dao is neet idderein euver te spraeke, dus neet alles wat greun is, is lekker...

Maar näöle kinne weej allemaal, veural ik. Greun is neteurlik ook de kleur van 't veurjaor, van 't greune graas en de ierste nieje blaedjes aan de buim. Greun is de kleur van de linte dae óntspringk, zoeë vlak nao de Vastelaovend. Greun zit neteurlik ook in de Vastelaovesvlag, same mit roeëd en gael. Dan wuurt det inens waal 'n schoëéne kómbinatie.

Maar 't allermoeëste greun is toch waal det van de Moeraskwaakers, dao oet 't Ven! Eigelik is det 'n fantastische kleur, det greun!

Graaf Persendrök





GIAL BV ontzorgt u geheel
op facilitair gebied:

Facilitaire dienstverlening
Gebouwen beheer
Terrein beheer
Facilitair advies

Beej ós is 't 364 daag
in 't jaor fees!



Weej winse alle Moeraskwaakers
'ne Hertelikke Vastelaovend!

Kièk veur mièr informasie
op www.ballorig.nl/venlo



Kinderdagverblijf
Buitenschoolse Opvang

Weej winse alle Moeraskwaakers
'ne Hertelikke Vastelaovend!



Kièk veur mièr informasie op
www.vanharte-venlo.nl



Kazernestraat 20, 5928 NL Venlo
077 207 0677



De Patternate



In 2019 is 't idee óntstaon um beej de Moeraskwaakers ouk iets te organisere veur de waat aldere jeug. De jeug kós altied met doon mit de activiteite tot en mit groep 8 van de basisschoeël. Daonao waas d'r nik's mier veur eur. Dit vónde weej erg jaomer. De jeug haet de toekóms. Daorum zien weej nao gaon dinke um wat te organisere veur de aldere jeug. Daobeej is gekeke nao de historie van 't Ven en wie de jeug zich in 't verleje haet gemaalzeerd. Wies óngevier ind jaore '60 stónd 't Patternaat op de Schoeëlwaeg en waas bedoeld veur plattelandskinder veur mit name eur sociale vorming. De KPJ haet d'r daonao nog gezaete.



Links 't patternaatsgebouw, rechts kloeëster "Klein Marienthal" (Mariadal)

't Aafgeloupe jaor hebbe weej gekeke of d'r behoefté aan waas en welke take weej de Patternate zoele gaeve. Weej zien 't sezoen gestart mit 9 jónge's en maedje's. Zeej hebbe met geholpe beej de Jeugkemissie en sóms met meuge loupe mit de groeëte Moeraskwaakers en eur Trio. Zoeë hebbe zeej beejveurbeeld op de zaoterraag veur d'n optoch de Prinsewage meuge versiere same mit 't Trio. Weej kieke truuks op 'n geslaag jaor en geej zult de Patternate dit jaor weer taege gaon kómme beej activiteite van de Moeraskwaakers. As d'r jónge's en maedje's zien die gaer aan wille sloete beej de Patternate, dan kinne die zich melde beej Susan Slaats of vraog 't aan emes van 't bestuur van de Moeraskwaakers of aan de Jeugkemissie.

Susan Slaats



Ós jeug op bezoek beej de aldere van 't Ven





JacobsVerzekerd
assurantiën - hypotheken



JacobsVerzekerd ~ Postbus 734, 5900 AS Venlo ~ Leemkampstraat 10, 5913 VH Venlo
Tel.: 077-351 91 27 ~ info@jacobsverzekerd.nl ~ www.jacobsverzekerd.nl


Adfiz
Adviseurs in Financiële Zekerheid



Restaurant
Biergarten
Truckstop

*Gaststätte
Verbeek*

Dammerbrucherstrasse 31
Grens Venlo - Straelen
(0049) 2 834 788 98
(0031) 6 227 163 79



Bestuur

Veurzitter	Ton Vergeldt	06 27061076
Sikkertaris	Bart Vestjens	06 54221439
Penningmeester	Jack Theelen	06 53507178
Leje	Pieter Janssen	06 27155661
	Harrie Thijssen	06 10513612
	Chris van Zoest	06 28123045
	Maurice Dohmen	06 52569686

Kóntak

Algemeine zake	sikkertaris@moeraskwaakers.nl
Jeugzake	jeugkemissie@moeraskwaakers.nl
Optoch	optochkemissie@moeraskwaakers.nl
P&P	penp@moeraskwaakers.nl
Sponsoring	sponsorkemissie@moeraskwaakers.nl
Webmeister	webmeister@moeraskwaakers.nl

Internet & social media

Website	http://www.moeraskwaakers.nl
Twitter	http://twitter.com/moeraskwaakers
Facebook	http://facebook.com/demoeraskwaakers.vastelaovesvereinigung

Lid waere? Gaef óg dan noow op beej ózze sikkertaris.

v.v. de Moeraskwaakers hech vuuel waerd aan de bescherming van óg gegaeves. Op ós website kint geej in 't Privacy Beleid laeze wie weej mit óg gegaeves umgaon.



Colofon

De Kwaaker is 'n officiële oetgaaf van v.v. de Moeraskwaakers.

v.v. de Moeraskwaakers is opgerich in 1974, mit de doelstelling um de Vastelaovend in 't Ven laeventig te halde veur groeët en klein en jónk en ald.

Mit dank aan	De vaste- & gasschrievvers en fotografie oet 't Ven en umgaevung
Opmaak – Redactie – Samestelling	P&P kemissie
Drök	R&R Group Grafische Dienstverleners
Aantal	1300 stöks
Bezörging	Door leje van v.v. de Moeraskwaakers
Wao	In alle brevebusse in 't Ven
Spelling	Beej adverteerders/sponsore en relaties Spelling 2003 veur 't Venloos dialek

Niks oet dees oetgaaf meug gebroek waere door derde, veur welk doel dan ouk, behalve nao oetdrökkelike toestumming van d'n oetgaever.
© Volledige kopie- en auteursrechte:

Vastelaovesvereinigung de Moeraskwaakers. K.v.K Venlo 40164159.

Dankwaord

Vanaaf dees plaats wille weej alle adverteerders in ózze "Kwaaker" bedanke veur 't plaatse van eur advertentie.

Ouk de sponsore en de vrinde van de Moeraskwaakers bedanke weej veur eur beejdrage.

Ron Vullings

Internationaal Transport Venlo - Holland



Ron Vullings Internationaal Transport Venlo BV

Tel: 077 - 3 545 598 Fax: 077 - 3 542 564

E-mail: info@ronvullings.nl Website: www.ronvullings.nl

A cartoon illustration of a man and a woman smiling. The man is holding up a document that says 'VULLINGS VENLO' and '24 MND GARANTIE'. In the background, there is a building with signs for 'GlasGarage', 'AUTOVAKMEESTER VULLINGS', 'AUTO ONDERHOUD PLAN', and 'BOVAG'. A red car is in the foreground, and a small character is working on it. A speech bubble from the woman says: 'Kiek ens nao óg kwitantie, weej gaeve 24 maond garantie!'. A speech bubble from the man says: 'D'r zit weer joeks in de lóch, want weej make autorieje goodkouper veur óg!'.

Onderhoud van alle merke
+ APK

Ferdinand Bolstraat 10, 5914 XN Venlo
Tel. 077-3515637
www.vullingsvenlo.nl info@vullingsvenlo.nl